

საქართველო



ეროვნულ-დემოკრატიული მიმართულების
ყოველთვიური ორგანო

“LA PATRIE”

L'organe de la démocratie nationale géorgienne

პარიზი. სექტემბერ-ოქტომბერი 1929 წ.

N° 3-4

შ ი ნ ა ა რ ს ი :

ბოლშევიკური აღსასრული
კავკასიის კონფედერაცია დ. ვაჩნაძე
ქართული სოციალ-დემოკრატიის კრიზისი შ. ამირეჯიბი
ჩვენი ბრძოლის უმთავრესი საფუძველი ი. ხანანაშვილი
ახალი თაობის დანიშნულება ელ. პატარიძე
ტაქტიკა და ორგანიზაცია (მოხსენება) ალ. ასათიანის
პარიზის ორგანიზაციის დადგენილება.
საბოლოო განმარტება—ერ.-დემ. პარტ. საზ-
ღვარგარეთის ცენტრალურ ბიუროსგან.
საბჭოთა საქართველოში.
ქართულ ემიგრაციაში.

საქართველო



ეროვნულ დემოკრატიული მიმართულების ყოველთვიური ორგანო.

L'organe de la démocratie nationale géorgienne "La Patrie"

პარიზი. სექტემბერ-ოქტომბერი 1929 წ. | Paris. Septembre-Octobre 1929
N 3-4

სექტემბერ-ოქტომბერი 1929 წ

ბოლშევიკური აღსასრული.

— კარგი რამ გჭირდეს გიკვირდეს, ავი რა საკვირველიაო, ამბობს შოთა რუსთაველი. ჩვენი უკვდავი პოეტის ამ სიტყვების ბოლშევიკურ სანაგვეზედ გატანა, კაცმა რომა სთქვას, აფსუსის არის, მაგრამ ენაზედ სწორედეს სიტყვები მოდის, რადგანაც, რაც ამ მოკლე ხანში ბოლშევიკებს ევროპაში საქმე დაემართათ, ყოველს საკვირველზედ ავი და ყოველს ავზედ საკვირველი აღმოჩნდა.

ოქტომბრის პირველს რიცხვებში პარიზის პოლიციაში გამოცხადდა ვილასა სხვირ-პირ. დაკაწრული და საკინძ ჩამოხეული კაცი, რომელმაც განაცხადა, რომ რუსეთის ელჩის მოადგილე და რუსეთის საელჩოს პირველი რწმუნებული ვარ, ჩემი პოლშვილი რუსეთის საელჩომ ტყვედ გამოაცხადა და მე თითონაც სიკვდილს მარტოდენ მიტომ გადურჩი, რომ საელჩოდან გამოვიქეცით. ასეთი განცხადება უსწოებისა და საეჭვო შეხედულობის კაცისა, მსოფლიო დიპლომატიის ცენტრში, თუნდაც ისეთის საელჩოს შესახებ, როგორც სახელ-წამდარი რუსეთის საელჩო არის, პოლიციას შანტაჟად და წარმოუდგენელად მოეჩვენა. მაგრამ ყოველივე ამან, მართლა ნამდვილი ამბავის ხასიათი მიიღო, როდესაც მომხივანმა პოლიციას თავისი დიპლომატიური პასპორტი წარუდგინა და სხვირ-პირ დაკაწრული და საკინძ ჩამოხეული მაწანწალა მართლა რუსეთის ელჩის მოადგილე და საელჩოს პირველი წრმუნებული ბ. ბესედოვსკი გამოდგამ ისტორიის შემდეგი განვითარება უფრო საგულისხმეირო შეიქმნა და უმაგალითო დიპლომატიურის ანალებისათვის, რადგანაც პოლიციისათვის აშკარა გახდა, რომ ბ. ბესედოვსკი მართლა რუსეთის ელჩის მოადგილე იყო და რადგანაც საელჩოს შინაურ საქმეებში პოლიციის ჩარევას



თითონ ელჩის მოადგილე მოითხოვდა, პოლიცია იძულებული გახდა ბ. ბესედოვსკისთან ერთად რუსის საელჩოში შესულიყო, მისი ცოლშვილი საელჩოს ტყვეობიდან ეხსნა და რუსეთის ელჩის მოადგილე თავის მფარველობაში აყვანა. ვისგან?

საკითხიც სწორედ ეს არის! იმ დროს როდესაც საფრანგეთში მყოფი რუსეთის ელჩი ლონდონში იყო და მაკდონალდის მთავრობასთან დიპლომატიურ ურთიერთობის განახლებას სცდილობდა, მისი მოადგილე პარიზში, თავის საკუთარ საელჩოს თავზედ პოლიციას ასხავს, თავისი ცოლშვილი ტყვეობიდან გამოჰყავს და თითონაც საფრანგეთის პოლიციას ნებდება, რომ საელჩოს სარდაფებში არ მოჰკლან. რომელ სახელმწიფოს შეუძლიან ასეთი რამე შეემთხვას და რომელ დიპლომატიურ წარმომადგენელს შეიძლება ასეთი საქმე დაემართოს, თუ არა ბოლშევიკურ სახელმწიფოს და ბოლშევიკურ დიპლომატიას?! ის რაც პარიზის რუსულ საელჩოში მოხდა, ბ. ბესედოვსკიმ თითონ უამბო ჟურნალისტებს და ერთად ერთი თავშესაქცევარი ამბავი მსოფლიოში დღეს, ეს უმაგალითო ბოლშევიკური სკანდალია.

პარიზის საელჩოში მომხდარი ამბავი არაფერს მოულოდნელს და არა ბოლშევიკურს არ წარმოადგენს. ბ. ბესედოვსკი ოპონიციას ეკუთვნოდა და წინააღმდეგი ყოფილა იმ პოლიტიკისა, რომელსაც დღევანდელი მოსკოვი მისდევს, ამის გამო ბესედოვსკის მოსკოვში წასვლა მოსთხოვეს. რადგანაც ბესედოვსკიმ კარგად იცოდა რა მოჰყვებოდა მოსკოვში გამგზავრებას—მოსკოვში წასვლაზედ უარი განაცხადა. მაშინ, ამ საქმის გამო მოსკოვ დგან საგანგებოთ ჩამოსულმა ჩეკისტმა რეიზენმანმა ბესედოვსკი საელჩოში დაატყვევა და მის ცოლშვილსაც „სეკვესტრი“ დააიო. როგორც თითონ ბესედოვსკი არწმუნება, საქმემ ისეთი ხასიათი მიიღო, როცა ელჩის მოადგილე ან უნდა საელჩოს სარდაფებში მოეკლათ, ან ავადმყოფად გამოეცხადებინათ და აავიქეთში გამოემწყვდიათ. თუ მხედველობაში მივიღებთ იმ გარემოებას, რომ ხმები უწინაც დადიოდა, რომ ბოლშევიკურ საელჩოებში ადამიანები სადღაც ქრებიანო, ბესედოვსკის განცხადებაში დაუჯერებელი არაფერია. ბოლშევიკების ეს ბანდიტური მოღვაწეობა აქამდე გამომქადაგებული არა ყოფილა. მაგრამ ეს აიხსნება იმითი, რომ ამ ავაზაკურ საქმეს ბოლშევიკები დღემდე „სუფთად“ აკეთებდნენ. სკანდალურ ხასიათს პარიზის ამბავს სწორედ ის გარემოება აძლევს, რომ ამ ხელად ბოლშევიკებს კოვზი ნაცარში ჩაუფარდათ. პარიზის საელჩოს ჩეკისტებს რომ ასეთი „აფუქე“ გამოუვიდათ და ბ. ბესედოვსკი ხელიდან წაუვიდათ, ამისი უმაღლური თავისივე დიპლომატიისა უნდა იყვნენ, ვინაიდან ბესედოვსკი მარტო „კარგი“ ოპონიციონერი არა ყოფილა და გალანების ალებაც ისე სცოდნია, როგორც კარგი დოღის სხენს. დღეს საბჭოთა დიპლომატი სამშვიდობაში იმყოფება, ყოველ დღე ჟურნალისტებთან საუბრობს, რუსის საელჩოს მკვლევლობის განზრახვაში ბრალსა სდებს და მისი ბნელი საქმენი დღის სინათლეზედ გამოაქვს.

არც ერთს ამბავს, არც იმას რომ საბჭოთა დიპლომატებს ევროპაში დღე მუდამ სცემდნენ და შეუარაცხოფას აყენებდნენ, არც იმას, რომ კრასინს ზღვაშიაპ კი ჩასძახდნენ, ბანაობის დროს, — „ძირს კრასინი, გაუმარჯოს საქართველოს!“, არც ევროპის წინააღმდეგ მიმართულს, მაგრამ დროზედ გამომქლავებულს ათას მახინაპიას, არც მსოფლიო რევოლუციის „რეპეტიციის“ საქვეყნოდ გაბახებას, რომლის მოწამე, წარსულ აგვისტოს თვეში, მთელი ევროპა იყო, და არც ისეთ თვალსაჩინო საერთაშორისო მარსხს, როგორც ჩინეთის რკინის გზის დაკარგვაა, არ დაუპია განათლებულ მსოფლიოს თვალში საბჭოთა რუსეთის პრესტიჟი, როგორც იმ ამბავმა, რომელიც საბჭოთა დიპლომატმა თავისი ერთ აუწყა ქვეყანას. ყველაზედ ტრალიკული ამ ამბავში ის არის, რომ ბოლშევიკებს ისიც კი არ შეუძლიანთ, რომ როგორც მუდამ ეს სკანდალი ან „მსოფლიო ბურჟუაზიის“ ხრიკებს გადააბრალონ, ან „მსოფლიო იმპერიალიზმის“ მზაკვრობას, ამისთანა წმინდა ბოლშევიკური საქმე იქნება მეორე არც კი გამომქლავებულა. ამ ისტორიაში—ქვემდებარეც და შემასმენელიც, მომქმედნი პირნიც და ადგილის გარემოებაც ბოლშევიკური და უაღრესად ბოლშევიკურია. ბოლშევიკია ბ. ბესედოვსკი, ბოლშევიკია ეს ვილაპა როიზენმანი, რომლის ასავალ-დასავალი საფრანგეთის პალიაპიამ დღემდე არ იპის და დასასრულ ბოლშევიკურია თვით საელჩოც, სადაც ეს ამბავი დატრიალდა, ვის შესჩივლებ, ვის ეტყვი—დახე, რა მიყვეს!

პარიზის საელჩოს ცდა—მთელ ამ ამბავს ისეთი ხასიათი მისცეს, თითქოს ბესედოვსკის საელჩოს ფულები შეეჭამოს და იმიტომ უპირებდნენ მოსკოვში ძალით გაგზავნას, ან ჩეკისტმა როიზენმანმა იმიტომ დაატყვევა ცოლშვილით საელჩოში, ბოლშევიკების სრული მორალური უბადრუკობის მაჩვენებელია და საქმის ბუნებას იოტის ოდენადაც ვერა სცვლის. გამოდის, თითქოს სახელმწიფოს მორალისა და პრესტიჟისათვის ის კი ასატანი იყოს, რომ თავის დიპლომატიურ წარმომადგენლებად ევროპაში, ბოლშევიკები ქურდებსა და ყაჩაღებს ნიშნავენ. ვილა არის მაშინ ბოლშევიკურ საელჩოში რიგიანი და პატიოსანი, თუ საელჩო თავის პირველ რწმუნებულს ქურდს ეძახის, პირველი რწმუნებული კი მთელ საელჩოს ბანდიტების ბუდეს და კაპის მკვლელებს? საელჩოს „კომუნიკე“ ტეცხლზედ ნავთის დასხმაა. განათლებულ კაცობრიობის წინაშე ბოლშევიზმი ასე საკინძ ჩამოხსნილი და გადელილი არასოდეს არა მდგარა!

ბოლშევიზმმა კისერი მოიტეხა არა დიდი პრობლემებისა და მათი განხორციელების სიძნელის წინაშე—სოციალიზმი რომ განუხორციელებელია, ეს მართალი ამბავი მარტო ბოლშევიკებმა არ იპიან—არამედ სრულიად „პატარა“ და წმინდა ბოლშევიკურ საქმეზედ! განა რა დიდი საქმეა ვილაპა ბესედოვსკის ან მოსკოვში გაწვევა, ან სიმბირში გადასახლება, ან საელჩოს სარდაფში მოკლა, თუნდაც აქ, პარიზში, მსოფლიოს ცენტრში და უგანათლებულეს ქალაქში?! რამდენი გადაუსახლებიათ და მოუკლავთ ბოლშევიკებს და ისიც არა ისეთი ვიგინდარო და მათსავით

ბოლშევიკი — როგორც ბ. ბესედოვსკია, არამედ პატიოსანი ხალხი (მოი-
 გონეთ დახვრეტილები საქართველოში) რამდენი დიდივარა სრემლი, რამ-
 დენი დაითუთა გული, რამდენი იყო პროტესტი, მაგრამ „გამარჯვებუ-
 ლი“ ბოლშევიზმი მაინც თავის „მიღწევებისკენ“ მიიჩქაროდა და ყველა-
 ფერი ერთს დღეში გამოაშკარავდა, როცა ეს ალვ რ-აღსანილი მისწრაფება
 კისერს იმ თავის უბრალო თვისებაზედ იტებს, რომელსაც მოკლედ ზან-
 დიტიზმი ჰქვია. ბოლშევიზმს დღეს ეს ბანდიტიზი ღუპავს. სადა არის
 მათი „მონოლიტური“ კომუნისტური პარტია? როდესაც ბოლშევიკებმა
 ჩვენები ხვრიტეს, ხოლო სოცხლები მიგვრეკ-მოგვრეკეს, მერე ერთმა
 ნეთს დაერივნენ. ის რაც პარიზის საელჩოში უნდა მოხდარიყო და მხო-
 ლოდ ნახევრად მოხდა — ამ შინაური ბოლშევიკური ტერორის გამოძახი-
 ლია. მისი მნიშვნელობა მარტო ის კი არ არის, რომ ამ შინაური ბოლშე-
 ვიკური ტერორის უსხო სახელმწიფოში გადატანა ბოლშევიზმს საქვეყ-
 ნოდ თავსა სჭრის. არა, ევროპამ იქნება ეხლა მაინც წარმოიდგინოს. რა
 უნდა ხდებოდეს იქ, თვით რუსეთში, რა უნდა ხდებოდეს ჩვენს სამშობლო
 საქართველოში, სადაც არც ყველა კაცია ჯერ კომუნისტი და მერე არც
 ყველა კომუნისტია დიპლომატის უპირატესობით აღჭურვილი, სადაც
 საფრანგეთის პოლიციას ხელი ვერ მიუწვდება, რომ კაცი განსადღელისა-
 გან იხსნას და სადაც მარტო ბოლშევიკური ჩეკა მეფობს. აი მთელი ვაება
 და მთელი შინაარსი იმ ამბავისა, რომელიც პარიზის რუსულ საელჩოში
 გამომქლავნდა.

უნდა ვიფიქროთ, რომ განათლებული კაცობრიობა ამ ამბავს სწო-
 რედ ასე შეაფასებს. ამისი ნიშანი ის არის, თუ როგორ შეხვდა ამ გაუგო-
 ნარ სკანდალს ევროპის პრესსა და განსაკუთრებით ფრანგული. თუ არსე-
 ბობს ისეთი სახელმწიფო, ისეთი რეჟიმი, ისეთი მთავრობა, რომელიც
 მსოფლიო სინდისის მიერ გამოთქმულ მსჯავრს ასე გულგრილად
 იტანს, როგორც საბჭოთა რუსეთი, ეს იმასა ნიშნავს, რომ ბოლშევიკების
 სახელმწიფო დაბადებით პრესტიჟ მოკლებული ყოფილა. ასეთი სახელმ-
 წიფო ვერ ისოცხლებს და არც უნდა სსოცხლობდეს. რაც დღეს მია კარ
 მიდამოზედა ხდება, იმისი მომასწავებელია, რომ ბოლშევიზმის ეს აღსას-
 რული სულ ახლო დროის საქმეა.

კავკასიის კონფედერაცია *)

რა არის კონფედერაცია?

კონსტიტუციური უფლების მსოდნენი ამ დაწესებულებით, რამდენიმე სახელმწიფოს გაერთიანებას ჰგულისხმობენ, რომელნიც შინა-სა და გარეც დამოუკიდებელი რჩებიან და თავის თავს მხოლოდ. ისეთ რამეში ზღუდავენ, რაიცა მხოლოდ გაერთიანების იდეას ახასიათებს ყოველი ამ სახელმწიფოთაგანი ხელუხლებლად ინახავს როგორც თავის სახელმწიფო თვისებას, აგრეთვე სრულ სუვერენიტეტს. თვით კონფედერაციას არავითარი სუვერენული თვისება არა აქვს და ამნაირად სახელმწიფო არ არის. იგი ჰქმნის ლიგას, კავშირს და სხვას ამნაირი განაზღვრული მიზნების მისაღწევად. კონფედერატიული კავშირი ნიშნავს საერთო ხასიათის და საარსებო მნიშვნელობის ზომების მიღებას და დაცვას:

მთავრობა იმ სახელმწიფოების დამოუკიდებლობისა, რომელნიც კონფედერაციაში იმყოფებიან და გარეშე სახელმწიფოების აგრესიულობის შიშს განიცდიან; დასვა ზავისა კონფედერატიულად განწყობილ სახელმწიფოთა შორის; ჩარევა შინაურის მშვიდობიანობის ურუნველ საყოფლად, ყოველ ამ სახელმწიფოში; მთავარი ეკონომიური ინტერესების მოვლა პატრონობა.

საკავშირო კონსტიტუციის მიერ ნებადართული ზომების მიღება ხდება სახელმწიფოთა დეპუტატების საერთო კრებაზედ, კონფედერატიულ ცენტრში. ეს ზომები უნდა ეხებოდნენ ომის გამოცხადებას, ზავის შეკვრას და დიპლომატიურ აგენტების დანიშვნას.

კონფედერატიული ცენტრის დეპუტატები საკითხებს თავისი სახელმწიფოს მანდატის მიხედვით სწყვეტენ. ამათი დადგენილება ერთხმად უნდა ხდებოდეს, გარდა ზოგიერთი მიმდინარე საკითხისა, რომელიც ხმის უმეტესობით სწყდება. კონფედერატიული ცენტრის დადგენილებას უნდა თანა სდევდეს საკავშირო რესპუბლიკების რატიფიკაცია. ამ რიგად, კონფედერაცია იურიდიული პირია, საჯარო უფლების მექანე და უფლება მოსილი უსხო სახელმწიფოებთან დამოკიდებულება ჰქონდეს, ხელშეკრულობა დასდოს, მაგრამ ისე რომ ზიანი არ მიაყენოს არც ერთის სახელმწიფოს უფლებას, რომელიც ამ კავშირში შედის.

კონფედერაციის კონსტიტუციაში, წინასწარ მიღებულ პირობების ძალით, ყოველი სახელმწიფო თავისი სურვილის ბატონია, რომ კონფედერაციიდან გამოვიდეს.

კონფედერაცია მუდამ ხელშემწყობი ფორმა ყოფილა მოკავშირე

*) იხილეთ „სამშობლო“ 2 N.

სახელმწიფოების დაახლოვებისა, მათი საერთო მიზნების განმტკიცებისა და ინტერესთა გაერთიანებისა და ბოლოს ფედერატიული სახელმწიფოს წარმოშობით დამთავრებულა. დღეს ქვეყნად კონფედერატიული სახელმწიფოები აღარ არსებობენ. მაგრამ ყველა დღეს არსებულმა ფედერატიულმა სახელმწიფომ კონფედერატიული ფორმა გაიარა. შვეიცარია 1848 წლამდე კონფედერატიული იყო. გერმანია 1815 წლიდან, 1816 წლამდე კონფედერატიული იყო. ამერიკის შეერთებულმა შტატებმა კონფედერაცია 1778 წელს შექმნეს და 1887 წლამდე კონფედერატიულად არსებობდა. *)

შევხვით ეხლა მოკლედ იმ სახელმწიფოთა ისტორიას, რომელთაც კონფედერაციით დაიწყო და დღეს ფედერაციას წარმოადგენენ.

ავიღოთ ყველაზე უფრო ახალგაზდა ფედერატიული სახელმწიფო: „ბრაზილიის შეერთებული შტატები“. იგი დაარსდა 1889 წელს. მისი კონსტიტუციის საფუძველი ასეთია:

1. ბრაზილიის ფედერაცია ოცი სახელმწიფოსაგან შესდგება.

2. ყოველი პროვინცია ცალკე სახელმწიფოა, იმართება დამოუკიდებლად, საკუთარს ხარჯით, ფედერალური მთავრობის ჩაურევლად, გარდა იმ შემთხვევისა, როცა საქმე სახელმწიფოს თავდაცვას ეხება, საერთო ფედერალურ კანონებს, ფისკის საკითხებს, როგორც არის ფულის ტრიალი, შეტან-გატანა და სხვა. ყოველს შტატს თავისი კონსტიტუცია აქვს, ადმინისტრაცია, კანონმდებლობა და იურისპრუდენცია.

არგენტინის ფედერატიული რესპუბლიკა 1816 წლიდან არსებობს. მისი ძველი კონსტიტუცია 1894 წელს ახალის დებულებებით იქმნა შევსებული.

იგი შესდგება ცხრამეტის დამოუკიდებელი პროვინციისაგან, რომელთაც თავისი კონსტიტუციები და საკანონმდებლო ორგანოები აქვს.

მაგრამ ყველაზე დიდ ყურადღებას უძველესი შვეიცარიის ფედერატიული რესპუბლიკა იპყრობს. დღევანდელი შვეიცარია შესდგება ოცდასამის კანტონისაგან და ორის ნახევარ კანტონისაგან.

საუკუნეთა განმავლობაში შვეიცარია სამის ერისაგან შესდგებოდა: გერმანელებისა, ფრანგებისა და იტალიელებისაგან. ხან მთლიანად, ხან ნაწილობრივ, შვეიცარია ხან თავისუფალი იყო, ხან დამონებული და დანაწილებული მეზობელ სახელმწიფოთა მიერ (ვერმანია, ავსტრია, საფრანგეთი)

შვეიცარიის დამოუკიდებლობის ისტორია და შვეიცარიის ერების ერთ კავშირად გაერთიანება იწყება იმ ხანიდან, როდესაც ზოგიერთმა მისმა ნაწილმა დამოუკიდებლობა იგემა, მაგრამ სოტა. ხანის შემდეგ ისევ დაკარგა. იმპერატორმა ფრიდრიხ მეორემ ორს კანტონს, შვიცსა და ურის თავისუფლება უბოძა. მაგრამ ფრიდრიხის მემკვიდრეებმა ბოძებული უკან წაიღეს და შვიცისა და ურის კანტონი ისევ ავსტრიას შეუერთეს. მა-

*) A. Bonde. „Précis de droit constitutionnel“, 1925.

შინ სამმა პატარა კანტონმა: შვიცმა, ურიმ და უნტერვალდენმა 1261 წ. ერთმანეთში კავშირი (ლიგა) დასდეს და მტრის უღლის გადაგდებას შეერთებულის ძალით შეეცადნენ. 1315 წელს ეს სამი კანტონი აჯანყდა და ავსტრიის იმპერატორის ლეოპოლდის ჯარი დაამარცხეს. შვეიცარიის კონფედერაციის საძირკველი ამ დღიდგან ჩაიყარა. 1332 წელს მათ შეუერთდა კანტონი ლუცერნი, 1335 წ.—ციურიხი, გლარისი, ტუგი და ბერნი 14 და 15 საუკუნეებში შვეიცარია მუდმივ ომებშია გაბმული, ხან საფრანგეთთან და ხან ავსტრიასთან და თავის დამოუკიდებლობას იცავს. ნაკრამ მაშინ ჯერ კიდევ მთელი შვეიცარია არ იყო შესული ამ დიგაში. სხვა და სხვა კანტონის ზღვამერეობა, შვეიცარიის სხვა და სხვა ნაწილში, სხვა და სხვანაირი იყო. ბევრ მათგანს ხშირად ჯერ კიდევ ცალკე უხდებოდა მტერთან ბრძოლა. ამავე დროს, შვეიცარიელებს თითონაც ბევრი რამ ჰქონდათ ერთმანეთში სადავიდარაბო, რაც ხშირად შეტაკებითა და ომებით თავდებოდა.

საკმაოა გავისხენოთ რეფორმატული ომების ეპოქა, როდესაც ენგვისა, სვინგლისა და სხვა კანტონებში კალვინიზმმა იჩინა თავი. ტურიხი, ბერნი, ბაზელი და გლარისი პროტესტანტიზმს მიემხრნენ. დანარჩენი კანტონები კათოლიციზმის ერთგულნი დარჩნენ მაგრამ ბოლოს და ბოლოს ეს სარწმუნოებრივი ომებიც შეთანხმებით გათავდა, ყოველ კანტონს უფლება მიენიჭა ის სარწმუნოება ელიარებინა. რომელიც სურდა. არც ერთ კანტონს უფლება არა ჰქონდა თავისი ეკლესიური რწმენა სხვისათვის მოეხვია თავზედ.

ოცდაათწლოვანი ომის შემდეგ, ევროპის კონგრესმა, რომელმაც ვესთფალის ზავი შეიმუშავა, პირველად აღიარა შვეიცარიის კონფედერაციის დამოუკიდებლობა.

რას წარმოადგენდა ეს კონფედერაცია?

1. ყოველი კანტონი დამოუკიდებელი სახელმწიფო (რესპუბლიკა) და დამოუკიდებელი სარწმუნოება იყო. იყვნენ კანტონები არისტოკრატიული წყობილებით (ფრიად შეზღუდულს საარჩევნო უფლებით) და ანტონები დემოკრატიულად განწყობილნი. იყვნენ ისეთებიც, სადაც ფეოდალური წესები მეფობდნენ და ფეოდალურ გვარებს და ჯგუფებს განსაკუთრებული უფლებანი ჰქონდათ.

საფრანგეთის რევოლუციამ თავისი ნიადაგი შვეიცარიაშიაც მოიძია. რევოლუციის მომხრეებმა ხელში იარაღი აღეს. კანტონებში სამოქალაქო ომი გაჩაღდა, შვეიცარიის საქმეებში საფრანგეთის დირექტორია ჩაერია. საფრანგეთის ჯარებმა ბერნი დაიპირეს და კონფედერაცია გაუქმებულად გამოაცხადეს. შვეიცარია თვრამეტ დეპარტამენტად დაჰყვეს. ნევშატელი, ბაზელის სავისკოპოზო და მიულუზი საფრანგეთმა შეიერთა. კონფედერაციის საქმეები აიწეწა. 1830 წელს, საფრანგეთის რევოლუციის შემდეგ, ბაზელის კანტონი ორად გაიყო 1846 წელს, ქათოლიკებსა და პროტესტანტებს შორის სარწმუნოებრივი შეტაკება იმითი დამთავრდა,

რომ კანტონები სუგი, ფრიბურგი და ლევალე კონფედერაციას ჩამოშორდნენ და სალკე კავშირი (ზანდებუნდი) შექმნეს. ფედერალურმა ჯარმა გამდგარი კანტონების ლენერალი დიუფარი დაამარცხა, მაგრამ გამარჯვებულებმა გამარჯვების ნაყოფით ვერ ისარგებლეს.

1848 წლის კონსტიტუციამ გააერთიანა ყველა კანტონები—თავისუფლებისა და თანასწორობის ნიადაგზედ. 1874 წლის კონსტიტუციამ მთელი შვეიცარიის წარსულის სული და მდიდარი გამოცდილება გამოხატა, და მისი მთავარი ძარღვი უმთავრესად ამ დამოუკიდებლობისადმი სიყვარულია. ამ უკანასკნელმა კონსტიტუციამ შვეიცარიულ კანტონების შორის სრული თანხმობა გაამყვანა და დღეს ადგილი აღარა აქვს იმ შინაურ გაუგებრობას, რომელიც დრო და დრო შვეიცარიას წარსულში ალელვებდა.

შვეიცარიის პოლიტიკურ გაერთიანების ისტორიაში მთავარ როლს ორი გარემოება ასრულებდა: დამოუკიდებლობისადმი მისწრაფება და ეკონომიური ფაქტორი, მაგრამ ეს გაერთიანება ნაყოფი იყო ამ საერთო ინტერესების თანდათან აღმოჩენისა და შეგნებისა. ყველაზე ადრე ფოსტა გაერთიანდა (1849 წ.) მას მოჰყვა საბაჟოს კანონი. საერთო ფულის სისტემა შემოღებული იყო 1850 წ., რკინის გზების გაერთიანება კი 1852 წ. სამხედრო ძალების გაერთიანების საჭიროება შეტანილ იქმნა 1874 წლის კონსტიტუციაში.*).

(გაგრძელება იქნება).

დ. ვახნაძე

ქართული სოციალ-დემოკრატიის კრიზისი.

ჩვენი „მმართველი“ სოციალ-დემოკრატიული პარტია კრიზისს განიცდის. შეცდომა იქნებოდა გვეფიქრა, რომ ეს კრიზისი მხოლოდ ეხლა დაიწყო. სოციალ-დემოკრატია, ანუ მენშევიკური პარტია, რომელიც თავისთავს ქართულსაც არ უძახდა და თავის ორგანიზაციას „რუსეთის სოციალ-დემოკრატიული მუშათა პარტიის“ ნაწილად სთვლიდა, ის იდეოლოგია, რომელიც საქართველოს სრული ოცდახუთი წელიწადი აზავებდა და ქართველ მასებს რევოლუციისა და სოციალიზმისაკენ უზმობდა—უკვე 1921 წელს დაიშალა. 1921 წელს მოხდა არა მარტო საქარ-

* William Martin. „Histoire de la Suisse“ Payot, Paris.

თველოს დამოუკიდებლობის დამხობა, არამედ ქართული რესპუბლიკის მმართველი პარტიის დაშლაც. პირუთვენი ისტორია ოდესმე იტყვის— საქართველოს დამოუკიდებლობის დამხობამ გადაყოლია ეს ოდესღაც მართლა ძლიერი პარტია, თუ, პირიქით, მენშევიკურმა პარტიამ გადაყოლია საქართველოს დამოუკიდებლობა? მაგრამ როგორადაც არ უნდა გადაწყდეს ეს დავა, ორივე ეს დებულება ისეთია, რომ ქართულ სოციალ-დემოკრატიას კეთილს არც ერთი არ აყრის.

ეს პარტია დამბახის სროლით მოვიდა საქართველოში და ზარბაზნების გრიალზედ დასტოვა იგი. ყველაზედ მწარე ამ ტრადიკულის ბოლოის ის იყო, რომ ამ ზარბაზნებს მათი გუშინდელი ამხანაგები ესროდნენ. მან ვერ შესძლო ბრძოლის ველზედ გამირულად სიკვდილი და დაიშალა. პარტიის რჩეულმა ნაწილმა ემიგრაციაში ამოჰყვა თავი, პარტიის მოზრდილმა ნაწილმა ბოლშევიზმისაკენ გადინაცვლა, პარტიის უმრავლესობა ქართველ ერში აითქვა და მამულიშვილთა მწარე ბედი გაიზიარა. ასე დაშლილი პარტიის შეერთება, ამ ნაწილების ისევე ერთ პარტიად ქცევა აღარაფერს შეუძლიან.

რას ნიშნავს ეს ამბავი? საზიანოა, თუ არა ქვეყნისათვის, ქართველი ერისათვის, მისი პოლიტიკური და საზოგადოებრივი განვითარებისათვის, რომ უდიდესი მისი პოლიტიკური პარტია დღეს დაშლილია და წამალიც არ არსებობს, რომ ისევე გაერთიანდეს და ის მისსია შეასრულოს, რომლის პრეტენზიები მასა ჰქონდა?

პირუთვენლად და გაბედულად უნდა ითქვას რომ საზიანო აქ არაფერია. სოციალისტური პარტიები სხვა და სხვა ერებში და სახელმწიფოში ისეთივე „აუცილებელი“ მოვლენა გახდნენ, როგორც დაუპატიებელი სტუმარი ქარწილში. ამიტომ უნდა ვიფიქროთ რომ ასეთი თუ ისეთი სოციალისტური პარტია საქართველოშიაც მოდამ იქნება. მაგრამ ყველი გაუვიდა და სამუდამოთ უნდა დაიშალოს ის ქართული სოციალ-დემოკრატია, რომელიც ქართულ სზოვრებას სოციალური და პოლიტიკური სიყალბით ავსებდა, ერის უმრავლესობას თავის პარტიაში ერეკებოდა და ამ უმრავლესობის ეროვნულ, პოლიტიკურ და სოციალურ იდეალებს პარტიიდგან კარში ავდებდა.

ქართულმა სოციალ-დემოკრატიამ თავის პარტიაში შეიყვანა ის სოციალური კლასები—გლეხობა და წვრილი ბურჟუაზია, რომელთა მუდმივი მიდრეკილება და სოციალური ბუნება ეროვნული დამოუკიდებლობის, სამეურნეო ზრდის და კაპიტალისტური გამდიდრებისაკენ არის მიმართული, მაგრამ ხელში სოციალიზმის დროშა მისცა, რომელზედაც ეწერა:—„პროლეტარებო ყველა ქვეყნისა შეერთდით!“-ო. ყველაზედ აშკარა სიყალბე სწორედ ეს იყო, ვინაიდან სწორედ ეს პროლეტარიატი არ არსებობდა საქართველოში. რაკი პროლეტარიატი არ არსებობდა, არ არსებობდა, მაშასადამე, მსხვილი წარმოებას, ესე იგი—მსხვილი ბურ-

უუაზია. ამ რიგად, გამდიოდა, რომ ქართველ გლეხობას თავის საკუთარ გამდიდრებასთან უნდა ებრძოლა. ქართულ წვრილ-ბურჟუაზიას — თავის ზრდასთან. ამ გლეხობასა და წვრილ-ბურჟუაზიას, მაშასადამე, ის უნდა წაეღრჩო, რაც სწორედ მათ წიაღში უნდა აღზრდილიყო. ესა კჳმნიდა ისეთ ველურ გაუგებრობას, ისეთ სოციალურ და ეკონომიურ ქაოსს და რეგრესს, რომელიც აფერხებდა არა მარტო ქართული საწარმოვო ძალების ბუნებრივ განვითარებას, არამედ ეწინააღმდეგებოდა იმ მინიმალურ სოციალისტურ ლოლიკასაც, რომელიც მოითხოვს, რომ სოციალიზმს წინ უაღრესად განვითარებული კაპიტალისტური მეურნეობა უსწრობდეს. ეს ანთმალია იყო. მაგრამ ქართველი გლეხობა და ეს წვრილი ბურჟუაზია მაინც სოციალ-დემოკრატიების რიგებში იდგა და სოციალ-დემოკრატიასაც ეგონა, რომ ისინი სოციალიზმისათვის იბრძოდნენ.

ისტორიამ საბრიყვო დააღვეინა ქართველ სოციალ-დემოკრატიას. გამოირკვა, რომ სოციალიზმს საქართველოში თავისი მეტრძოლი კლასი არა ჰყავს და ქართველმა სოციალ-დემოკრატიამ დღეს იმ ელემენტებზედაც უნდა აიღოს ხელი, რომლებიც გუშინ მის პარტიას ავსებდნენ და ამოქმედდებდნენ. დღევანდელი კრიზისი ამ გაყრისა და ამ გამოთხოვების კრიზისია.

ბუნებრივად იბადება საკითხი — როგორ მოხდა რომ ქართველი გლეხობა და წვრილი ბურჟუაზია სწორედ ისეთ პარტიას დაუკავშირდა, რომელშიაც ქართული და ეროვნული ხაზი ასე ცოტა იყო და სულ არ იყო? ვსთქვათ, რომ თვით ქართული სოციალ-დემოკრატიისათვის, რომლის დროშაზედ მარტადენ სოციალიზმი ეწერა სულ ერთი იყო, ვინ მოუხდენდა რევოლუციას და ვინ განუხორციელებდა სოციალიზმს! მით უკეთესი ამ სოციალ-დემოკრატიისათვის და მით უარესი ამ გლეხობისა და წვრილი ბურჟუაზიისათვის, თუ ყელს თავისი ხელით გამოიჭრიდა და სოციალიზმს თითონვე დაამყარებდა, ვინაიდგან ბლშევიკების მიერ „განხორციელებულმა“ სოციალიზმმა საქვეყნოდ დაამტკიცა, რომ ადვილი ყოფილა მსხვილი ბურჟუაზიის მოსპობა, მაგრამ ძნელი ყოფილა სწორედ ამ გლეხობისა და წვრილი ბურჟუაზიის გარდაქმნა და მათის ხელით სოციალიზმის დამყარება. ამიტომ გამოსარკვევი ის კი არ არი, ქართველმა ბურჟუაზიამ ეს გლეხობა და წვრილი ბურჟუაზია რად აიყოლია, გამოსარკვევი და ასახსნელი ამ მოვლენის მეორე მხარეა — თითონ ეს გლეხობა და წვრილი ბურჟუაზია რად აჰყვა სოციალ-დემოკრატიას?

ალ. ასათიანმა ფრიად დროულად გაგვახსენა, ნ. ჟორდანიასაგან ნათქვამი და დღევანდელს ხმაურობაში თითქმის სავსებით მივიწყებული სიტყვები, რომლებიც ქართული სოციალ-დემოკრატიის შეხედულობას გლეხებზედ სავსებით აშკარავებენ.

„საქართველოს რესპუბლიკას და რევოლუციას — სწერდა ნ. ჟორდანი — შესაძლებელია მოელოდეს შიგნიდგან ერთად ერთი საფრთხე გლე-

ხობისაგან. ამ საფრთხის ნიშნები უკვე არის... მოძრაობაში ის მონაწილეობას იღებს როგორც ვებერთელა დამრღვევი ძალა... ჩვენ იმდენად დაგვა-
 ვიწყდა მარქსიზმი და დაუჯერეთ ესერულ „აზრებს“, რომ დღემდე ზოგი-
 ერთი ჩვენში ამ გლეხებს იღებს როგორც რევოლუციონერებს და დადის
 ყოყმანით თანხმდებიან მათ წინააღმდეგ რეპრესიების მიღებაზედ. დროა
 ბოლო მოუღოთ ჩვენს სოციალ-დემოკრატიულ პარტიაში ნაროდნიკულ
 ილუზიების ბატონობას. დროა დაუბრუნდეთ მარქს და მაგრად დავსდგეთ
 გლეხების რეაქციისაგან რევოლუციის დასვის ნიადაგზედ“ (ალ. ასათი-
 ნი. „ძველი და ახალი მემკვიდრეობა“. გვ. 108).

ეს სიტატა იმიტომ მოგვყავს, რომ ჩვენ მიერ ზემოდ დასმულ კით-
 ხვას თავისი ბუნებრივი ელფერი მივსცეთ. როგორ შეეძლო, მართლა,
 ქართველ გლეხობას ისეთ პარტიასთან ჰქონოდა კავშირი, რომელიც მას-
 ზედ ასეთის აზრისა იყო? მართალია, ამას ნ. ყორღანია მაშინ ამბობდა,
 როდესაც უკვე საქართველოს დამოუკიდებლობა არსებობდა და გლეხო-
 ბას ამ სოციალ-დემოკრატიული პარტიიდგან გამოსული მთავრობა აღარ
 მოსწონდა. მაგრამ ქართველი გლეხობისა და ქართული სოციალ-დემ-
 კრატიის კავშირი გუშინ ეელი ამბავი არ იყო და იყო დრო, როცა პარ-
 ტიაც თავის საკუთრებათ ახადებდა ამ გლეხობას, გლეხობაც „კარგად“
 გრძნობდა თავს ამ პარტიაში. მაშ, საიდგან არას ეს უნძრახობა? ეს რა მი-
 ზეწი გატყკრა, რომ ამდენი წელიწადი პარტია და გლეხობა ერთად იყვნენ,
 დამოუკიდებლობა „ერთად“ მოიპოვეს და დამოუკიდებელ საქართველო-
 ში კი გლეხობას პარტია აღარ მოსწონდა, პარტიას გლეხობა? თქმაც არ
 უნდა რომ რალაც უსნაურ თამაშთან გვაქვს საქმე! თქმაც არ უნდა, რომ
 ეს ოსდასუთი წელიწადი გლეხობისა და პარტიის თანამემსხედრეობისა
 ურთიერთი მოტყუილების აშკარა ნიშანს ატარებდა. ამიტომ იბადება სა-
 კითხი: ამ რთულს და გრძელს პოლიტიკურ თამაშში ვინ ვის ატყუებდა—
 პარტია გლეხობას, თუ გლეხობა—პარტიას? ამისი პასუხი ფრთხილად საყურა-
 რდებოა და ფარდასა ხდის ჩვენი სოციალური და პოლიტიკური განვითა-
 რების იმ საინტერესო ხანას, როცა სოციალური კლასი და პოლიტიკური
 პარტია ორივე ერთმანეთს ატყუებდა, რადგანაც ეს ტყუილი სხვა და სხვა-
 ნაირად კლასისათვისაც საჭირო იყო, პარტიისათვისაც. ამ სოციალურ
 სიყალბეში გამოიხატა მაშინდელი საქართველოს მთელი უსუსურობა და
 ჩამორჩენილობა. საქართველოში გაჩნდა, როგორც Deus ex machina, პარ-
 ტია და იდეოლოგია—სოციალიზმი, რომელსაც შესაფერი მებრძოლი
 კლასი არა ჰყავდა და მისავე სინამდვილეში არსებობდა სოციალური
 კლასი, რომელსაც ჯერ თავისი პოლიტიკური პარტია არ შეექმნა. ქართ-
 ველი გლეხობა და ქართული სოციალ-დემოკრატია ამ სოციალურმა ჩა-
 მორჩენილობამ დააძმობილა. ეს ანომალია წვრილ ბურჟუაზიასაც უნდა
 გაეზიარებინა. ქართველი გლეხობა, წვრილი ბურჟუაზია, გააღატაკებული
 თავად-აზნაურობა და უადგილო ინტელიგენცია, რომლებიც პოლიტიკუ-
 რი უფლებებისათვის და ეკონომიური წარმატებისათვის იბრძოდნენ, გა-

ჰყვებოდნენ ყველას, ვინც პირველი გაუწოდებდა ხელს, ვინც პირველი იკისრებდა პოლიტიკური ბრძოლის მეთაურობას და პოლიტიკურად ყველაზე ადრე დარაზმულად გამოვიდოდა. რა უყოთ, რომ იმ ქამად ეს დარაზმული მეთაური სოსიალისტური პარტია აღმოჩნდა. საქმე ამ უსუსური და ჩამორჩენილი დროს გაჩაჩალება იყო, თორემ არამკითხვ პარტიის მერე თავიდგან მოცილება ადვილი იქნებოდა.

აი ეს უტყუარი გარემოება აძლევს სოციალდენი ლოდიკის ძალას იმ ანომალიას, რომ ქართველი გლეხობა და წვრილი ქართული ბურჟუაზია ამ სოსიალ-დემოკრატიას დაუმეგობრდა. ამ მეგობრობამ იმ დრომდე გასტანა, ვიდრე ქართველმა გლეხობამ და წვრილმა ბურჟუაზიამ ეროვნული დამოუკიდებლობა არ მოიპოვეს. მათი ძველი ბრძოლაც „პოლიტიკურის უფლებებისათვის“ სწორედ ამ დამოუკიდებლობას ნიშნავდა. ამ დამოუკიდებლობამ პოლიტიკური ასპარეზის ბატონებად ეს გლეხობა და წვრილი ბურჟუაზია გამოიყვანა, მაგრამ უკვე საკუთარის გეგემონიით და საკუთარის პარტიის ყოლის აშკარა სურვილით. შეეძლო განა ამ გლეხობას და ამ წვრილ ბურჟუაზიას, ამის ჰემდეგაც, იმ პარტიაში დარჩენილიყო, რომელიც; როგორც ნ. ჟორდანიას ამბობდა, მხოლოდ რევოლუციის ისავდა და ისიც ვისგან? იმ გლეხობისაგან, რომელმაც ეს რევოლუცია მოახდინა, დამოუკიდებლობა მოიპოვა და ნახელმწიფო დაიარსა? თქმაც არ უნდა, რომ ისტორიულის და პოლიტიკურის პირობებით იძულებით შექმნილს ამ ანომალიას ბოლო უნდა მოღებოდა და ქართველი გლეხობის და წვრილი ბურჟუაზიის სოსიალ-დემოკრატიასთან უკანონო და უბუნებო კავშირი უნდა დაშლილიყო.

ქართული სოსიალ-დემოკრატიის დღევანდელი კრიზისი და მისი აუცილებელი ხვალინდელი დაშლა ამ გასრუებული იმედების და ამ დაკარგული დროის ნაყოფია. იმ პოლიტიკურ სიყალბეში, რომელსაც ქართულმა სოსიალ-დემოკრატიამ თავისი ოცდახუთი წელიწადი შესწირა, მოტყუილებული თითონ დარჩა. ამას ზედ ის გარემოებაც დაერთო, რომ სოსიალიზმის ნამდვილი ბუნება, მენშევიკების შემდეგ, ბოლშევიკებმა სავსებით აშკარა ჰყვეს და სოსიალიზმის ის დანარჩენი საიდუმლოც გამოამჟღავნეს, რასაც მენშევიზმი ვითომცდა ოსტატურად სახვლიოდ ინახავდა. გამოირკვა, რომ სოსიალისტობის გზა—მენშევიკური იქნება, თუ ბოლშევიკური—და ქართველი გლეხობისა, სხვა და სხვა ყოფილა და მათ ცალკე უნდა იარონ. მაგრამ ამის გარდა სხვა რამეც გამოირკვა. ქართველი გლეხობა და მთელი ქართველი ერი სამუდამოდ დარწმუნდა, რომ ამ სოსიალ-დემოკრატიას სრულიად არაფერი გაგებია, რა არის ეროვნული დამოუკიდებლობა, რაც ამ გლეხობისათვის და დანარჩენი ქართველი ერისათვის იმ ბრძოლის მთავარი საგანი იყო, რომელსაც ამ ოცდახუთი წლის განმავლობაში ეწეოდა. გლეხობის პარტიისაგან გაყრისა და მით ამ პარტიის დაშლის პროცესი ამ გარემოებამ უფრო დააჩქარა. ამ გაყრიდგან ქართული სოსიალ-დემოკრატია ჰკუთნა წაგებული და დაშლილი გამოდის,

ქართველი გლეხობა ჯკუა ნასწავლი და საკუთრად დარაზმული. ეს პროგრესიული მოვლენაა. ესა ნიშნავს, რომ ქართველი ერის პოლიტიკური უსუსურობისა და სოციალური ჩამორჩენილობის ხანამ გაიარა და მისი განვითარება ამიერიდან ბუნებრივად იწარმოებს.

ჩვენ იმედი არა გვაქვს, რომ თავის დაშლილობის მიზეზი ჩვენს სოციალ-დემოკრატიასაც ისე ესმოდეს, როგორადაც სინამდვილეში არსებობს. შეცდომები რომ უფრო გვიან კვდებიან ვიდრე ადამიანები—ძველი ჭეშმარიტებაა. წყალწაღებული რომ ხავს ეკიდებოდა—ესეც ძველი ქართული ანდაზაა. უნდა ველოდეთ, რომ ქართული სოციალ-დემოკრატია გამომთვლებას და აღდგენას მოინდომებს. ამიტომ ერთად ერთი რეაქციონური, ძველი ვითარების მოტრფივალე პარტია საქართველოში, დღეს მხოლოდ სოციალ-დემოკრატია არის. უკანასკნელი ცხრა წელიწადი, ემიგრაციაში გატარებული, ამ რეაქციონერობის უილაჯო ცდა არის. პარტია საქართველოში დაიშალა, მაგრამ მისი გადარჩენილი მეთაურები ემიგრაციაში სცდილობენ მის წამოყენებას. მაგრამ ეს ამაო ცდაა. საკმაოა პარტია სოციალ-დემოკრატია თავის ისტორიას ჩაუკვირდეს, რომ ეს ამაოება თითონვე იგრძნოს. ქართულმა სოციალ-დემოკრატიამ თავისი პოლიტიკური ასპარეზობა იმითი დაიწყო, რომ თავი პროლეტარიატის პარტიად გამოაცხადა და სრული ოცდახუთი წელიწადი გლეხობას და წვრილ ბურჟუაზიას სდევდა კუდში. დღეს ამაზედაც შორს მიდის და ეროვნულ პარტიად გვევლინება, ესე იგი თითონ ისევე სხვის საქმეს აკეთებს და სხვებს თავის საქმეს აკეთებინებს. ამას ბარბაცი და მიზანში აცდენა ჰქვიან. საქართველო დღეს ისეა შეცვლილი, რომ ამ პარტიის საქმეს აღარავინ გააკეთებს. ამიტომ ანგარიში და განიერება მოითხოვს, რომ ქართულმა სოციალ-დემოკრატიამაც მარტო თავისი საქმე აკეთოს.

ამ პარტიის წმინდა დემოკრატიულმა ნაწილმა, რომლის იდეალები იმავე გლეხობისა და წვრილი ბურჟუაზიის იდეალებს არა სცილდება, სოციალიზმს თავი უნდა მიანებოს და ნამდვილ ეროვნულსა და დემოკრატიულს პარტიაში უნდა მონახოს ბინა. დროა ბოლო მოეღოს იმ სოციალისტურ სნობიზმს, რომლის გადამკიდვე ათასი რიგიანი და გამოსადეგი პირი უსავნოდ დაიარება, ჩვენს ისედაც გაჩანაგებულ ცხოვრებაში, სოციალისტურ მომავალზედ ყვეყნობს და აწმყოში მათგანობელას როლს თამაშობს. ახალ საქართველოს სჭირია არა ისტორიისაგან სხვირ-პირ დასისხლიანებული, ნაცემი და ნაბეგვი პარტიები, გასრუებული პროგრამებით და გაბანებული იდეოლოგიებით, არამედ ლაღი და თავისუფალი ეროვნული შემოქმედება, ერთად ერთი ამშენებელი საქართველოს მომავლისა.

შალვა ამირეჯიბი.

ჩვენი ბრძოლის უმთავრესი საფუძველი

ქართულ ეროვნულ განმათავისუფლებელ ბრძოლას ისეთ დროს მოუხდა ლეგალურ ჩარჩოებში მოქმედება, როდესაც რუსეთის რევოლუციონარული სოციალისტურ ლოზუნგებს დაემონა.

ამ გარემოებამ იმ თავითვე გაურკვეველობა შეიტანა ჩვენს ბრძოლაში. მტრის სახე მარტივად და მთლიანად ვერ ჩამოყალიბდა. ჩვენს მტრის ერთ ნაწილს გაუმართეთ ბრძოლა, იმ დროს როდესაც მისი სხვა ნაწილები თვალთახედვის ასპარეზზე იყვნენ, მაგრამ ბუნდოვანად სჩანდნენ.

საბჭოთა ჯარების შემოსევამ უფრო გააძლიერა ეს ვითარება. ჯერ იმიტომ, რომ მენშევიკებსა და ბოლშევიკებს ანგარიშები მთლად არა კჭონდათ გასწორებული, მტრის ჯარებს ქართველი მენშევიკების მოცილვით ქართველი ბოლშევიკები შემოუძღვნენ და შემდეგ იმიტომ, რომ მიმდინარე ეპოქაში ქართველობას პრაქტიკულად ბოლშევიკურის ნიღაბით მოვლინებულ რუსეთთან მოუხდა შებრძოლება.

აი იმიტომ ყოველად მაღალი და ღრმა შინაარსის ეროვნული ბრძოლა ქართველი ხალხისა, მენშევიკ-ბოლშევიკურ მთავრობათა და პარტიათა ბრძოლად დახურდავდა.

დღესაც ხშირად გაიგონებთ ქართველი და არა ქართველისაგან: მენშევიკური მთავრობაო. მათ არ უხერხდებათ სთქვან: ქართული მთავრობაო.

როგორ უნდა ვიფიქროთ: ქართული პრესტიჟი ამან აამაღლა თუ დაამდაბლა შინ და გარეთ?

მებრძოლ ქართველობის ზოგიერთ რიგებში, როგორც ვიცით, დროებით ისეთი ფსიქოლოგიური მდგომარეობა დამკვიდრდა, თითქოს მას რაც ბოლშევიკებმა ჩაიდინეს, არ ჩაიდენდნენ მონარქისტული, ბურჟუაზიული, ლიბერალური, დემოკრატიული, სოციალისტური თუ მენშევიკური რუსეთის ხელმძღვანელები.

უცხო წრეებში კი ეჭვი შეიპარა ქართული საქმის სიმტკიცეში და თვით ღირებულებაში და ეს არა იმიტომ, რომ რუსეთის საზოგადოებრივი აზრი ჯერაც არ მოტეხილა თავის იმპერიალისტურ მიდრეკილებებში, არამედ იმიტომ, რომ თვით რუსეთსაც არ მისწვდენია მკაფიოდ გამოსახული გადაწყვეტილება ქართველი ერისა თავისუფლად და სუვერენულად იარსებოს.

უდავო ჭეშმარიტებაა, რომ მებრძოლი თუ დარწმუნებულია თავის სიმართლეში; თუ მისთვის ნათელია ბრძოლის მიზანი, მაშინ მტრის ფიზიონომიის გარკვევა ნახევარი გარანტია არის გამარჯვებისა.

ამიტომ კატეგორიულად, გადაჭრით და უყოყმანოთ უნდა ითქვას,

რომ ქართველი ხალხის მტერი არის არა მარტო კომუნისტური მთავრობა, რომ დამნაშავე აქართველი ერის წინაშე რუსეთის სს. ყოფილი და მომავალი პარტიებიც და მთავრობებიც: მონარქისტულიც, პარლამენტარულიც, რესპუბლიკანურიც, დემოკრატიულიც, მენშევიკურიც და სოც.რევოლუციონურიც. დღემდე ეს ასეა: შესაძლოა ისტორიულმა კატასტროფებმა რუსის ხალხიც მიიყვანოს იმ აუცილებელ დასკვნამდე, როდესაც აღარ შეიძლება ერის თავისუფლების შეგვეცანზე ფიქრი. ქართველი ხალხი, სხადია ალტაცებით შეხვდება ამ მომენტს, მას მიესალმება და თავისი პროგრესის გზაზე წაწვებას უფრო დაწყნარებული ძარღვებით, უფრო დამშვიდებული გონებით შეუდგება. მაგრამ ვიდრე რუსის ხალხი და მისი პარტიები ვერ არ ამქლავნებენ ასეთის ხაზით საკუთარი კერის მოწყობის სურვილს—და კიდევ უკანასკნელ მანიოვრებს მიმართავენ დიდი რუსეთის ილუზიების შესანარჩუნებლად,—ჩვენი ვალია განვაცხადოთ, რომ საქართველოს დამოუკიდებლობისათვის მებრძოლთა რიგებს არ გამოადგება ის ხალხი თუ მიმართულება, რომელსაც ვერ შეუგნია, რომ ბრძოლა გვაქვს არა რუსეთის პროლეტარიატთან, დემოკრატიატთან, ვაჭარ-მრეწველებთან და თავად-აზნაურობასთან, რომ ჩვენ არ ვებრძვიტ მარტო მემარცხენე, ან მარტო მემარჯვენე რუსეთს, არამედ ვებრძვიტ რუსეთს, როგორც ერთს მთელს, სანამ ის ჩვენს უფლებას არ იცნობს და სანამ ის არ იქნება ჩვენთან თანასწორ უფლებიან ურთიერთობაში.

ამ ბრძოლაში ქართველი ხალხი მარტო არ იქნება. მის გვერდით იბრძოლებს მთლიანი კავკასია, გათვითცნობიერებული ყაზახისტანი, უკრაინა, თურქესტანი და უკვე რუსეთს ჩამოშორებული სახელმწიფოები. ამათთან ერთად ჩვენს მხარეზეა სიმართლე, ისტორიული აუცილებლობა, სივილიზაცია და პროგრესი.

საკითხის სხვანაირად მიდგომა ისეთსავე სუსტ პოზიციაზე დააყენებს განმათავისუფლებელ ბრძოლას, როგორც ეს ქართველ მენშევიკებს დამართათ

ასეთმა პოზიციამ და არა ილაჯ-გაწყვეტილი რუსის ხალხის სიმრავლემ დაგვაკარგინა საქართველოს დამოუკიდებლობა. პირიქით, რომ ეს პოზიცია არა, რუსის ხალხთან შესაძლოა სალაპარაკო ბაზაც მოგვენახა და გვეიძულებინა ეს ხალხი დათანხმებულიყო, რომ საქართველოს დამოუკიდებლობის საძირკვლები და ფესვები ღრმა, შორეულ ისტორიაში აწის ჩაყრილი.

ესეც რომ არა, ევროპის ხელმძღვანელ წრეებისათვის საქართველოს იმედი რომ მიეცათ, ისინი ასე ადვილად არ გააკარებდნენ ბოლშევიკებს კავკასიის საზღვრებს.

ესევე მიზეზი იყო უმთავრესად, რომ კავკასიის დანარჩენ ერებთან საერთო ენა ვერ იქნა გამონახული: რა ეკითხებოდა საქართველოს—ვინ იქნებოდა აზერბეიჯანის, სომხეთის და მთიულეთის სათავეში: მუსხვატი, დაშნაკცაკანი თუ მთის ბეგები. მაგრამ მენშევიკები საქართველოს ახვე-

დნენ თავს იმ ახირებულ და ყოვლად უმზგავსო აზრს, თითქმის აზერბეიჯანშიც, სომხეთშიც და მთაშიც მაინცა და მაინც მენშევიკებს უნდა სჭეოდათ ხელისუფლება. განა ამავე პრინციპზე არ არის აგებული ბოლშევიკური საბჭოებიც? როგორღა შეეძლო კავკასიის ერებს გულწრფელ კავშირში შესულიყვნენ ქართველ ერთან, ვიდრე უკანასკნელს მენშევიკში მიუძღვოდა.

ქართულ (უკეთ რომა ესტქვათ მენშევიკურ) დიპლომატიას ვერ მოუხერხდა საქართველოს დამოუკიდებლობის დასაბუთება ისტორიულის, ყველგან აღიარებულის და მიღებულის მოსაზრებებით ვერც რუსეთის, ვერც კავკასიის და ვერც ევროპა-ამერიკის წინაშე. ის მუდამ შიშით იყურებოდა წინ და უკან და საბოლოო სიტყვებს ეძებდა მე-2 თუ მე-2^{1/2} ინტერნაციონალების გასაგონათ. ნამდვილად კი მე-2 და 2^{1/2} ინტერნაციონალები დაყრუბულნი და დამუნჯებულნი აღმოჩნდნენ, ხოლო რუსეთს, კავკასიის და ევროპა-ამერიკის თვალებმაც დაინახეს შიში და ყურებმაც გაიგონეს ბოლიში.

ასეთმა უმზგანო პოზიციამ ლამის იყო მტვრად აქცია ქართველი ერის საუკუნეთა გასწვრივ გაწეული შრომა. ხოლო ორთქლად დაღვრილი სისხლი, რომ ერს თვით არ ეჩინა ცხოველ-მყოფელი ძალა. ერი კიდევ აპატიებს სიბრძევეს, როდესაც ეს პარტიებისა და ჯგუფების სახელით ხდება, ხოლო სახელმწიფოსა და ეროვნული ორგანიზმის სახელით ჩადენილ სიბრძევეს იგი გარდაუვალ ზღუდეებს უდებს.

მენშევიკური პარტიის ნასარ-მტვრად ქცევა პირველი გამოძახილი იყო ქართველი ხალხის მართლ-მსაჯულებისა. ის ისე ადვილად და სივად შეუთრგდა მენშევიკების გაჩანაგებას საქართველოში და თვით მენშევიკშიც ისე უწინააღმდეგოთ ამოიღრჩო ბოლშევიკურ ტალღებში, რამ მომავალი მემკვიდრეს დიდ ძალი მტვრის ჩაყლაპვა მოუხდება სანამ ქართული ეროვნული ბრძოლის არქივებში მენშევიკურ ნაშთებს აღმოაჩენდს.

ექვს გარეშეა ამან საგრძნობი ზარალი მიაცენა საქართველოს განთავისუფლების საქმეს, მაგრამ აქ ქართველ ხალხი არაფერ შუაშია. ის სამი ათასი წლის განმავლობაში იბრძვის საარსებო უფლების მოსაპოვარად, წარმოუდგენელის ტანჯვითა და მსხვერპლის გაღებით იმკვიდრებს ამ უფლებას, რუსული საოკუპაციო ხელისუფლებასაც უთანასწორო და შეუპოვარ ბრძოლებს უმართავს ამ უფლების შესანარჩუნებლად, საუკეთესო შვილებს სწირავს ამ ბრძოლაში, მარცხდება კიდევ, მაგრამ მაინც არსებობს. ამაზე მეტი დღეს დღეობით და ჯერ-ჯერობით ქართველ ხალხს არ მოეთხოვება.

მაგრამ, ვიმეორებთ, მისი მომავლისათვის მებრძოლებს ევალებათ იცოდნენ, რომ რომელი პარტიაც არ უნდა ჩასდგომოდა რუსეთის ხელისუფლებას სათავეში, ქართველი ერი მასაც ისეთის მკაცრის ბრძოლითა და

ზიხლით შეხვდებოდა, როგორც შეხვდა იგი კომუნისტურ რუსეთს.

მარტივად: ბრძოლა ქართველი ერის ეროვნულ-სახელმწიფოებრივი არსებობისათვის, არის ბრძოლა რუსებთან და არა მარტო აღდგენილი, არა მარტო აღდგენილი იმ მომენტამდე, როდესაც რუსეთი ხელს აიღებს ერიჭამი უბანზე, მსუხანგობაზე და შეუდგება თავისი არეული ცხოვრების დალაგებას და არა სხვისი დალაგებული ცხოვრების არევას. ამაში მოკავშირედ მთელი კაცობრიობა გვეყოლება. ვინ დაუჯერებს დღეს მაინც რუსობას, რომ იგი მესიანიზმისათვის არის მოწოდებული, რადესაც სიურპრიზებისა და უსწაურობების გარდა არაფერით გამოუჩენია თავი ქვეყნიერების მოწყობის საქმეში. მას ადვილად შეუძლია კომუნისში აბსოლუტურის მონარქიით შესწავლას. საბჭოება პარლამენტით, სოციალიზმი დემოკრატიზმით და საუკუნოებრივ ანარქიისა და ქაოსის ატმოსფეროში იარსებოს. ეს მის ბუნებას შეადგენს და ხვალ შეიძლება ისევე ადვილად წამოსკუპდეს რომელიმე მეჯინიძე მთავრობის სათავეში, როგორ დღეს ჩვეულებრივი ბანდიტიც.

რა დარჩენია საქართველოს ასეთ პირობებში, თუ არ დაუდგომელი ბრძოლა და მისთვის მუდმივი სამზადისი და ამ ბრძოლის მოკავშირეთა ძებნა!

ქართველ ხალხს ძვირად დაუჯდა ის შეცდომა, როდესაც აღმოსავლეთის შიშით მოკავშირეთა ძებნაში თვალს ჩრდილოეთით აჩეჩებდა და დასავლეთად მოეჩვენა რუსეთი. აზიის საფრთხემ გაიარა არც ოსმალეთი, არც სპარსეთი ჩვენთვის საშიში აღარ არიან. ეს ხანა ისტორიას ჩაბარდა. და ამიტომ პირველი ბუნებრივი მოკავშირე, იმავე ინტერესებით ამოძრავებული, როგორც ქართველობა, არიან კავკასიის ერები, რომლებთანაც ადავო უმნიშვნელო რამა გვაქვს, საერთო კი თითქმის ყველაფერი.

კონფედერატიული კავკასია ძლიერ მეგობრებს შესძენს საქართველოს დიდი სახელმწიფოთა სახით, რომელთა ინტერესიც მართხვავს დამოუკიდებელი კავკასიის არსებობას აღმოსავლეთის ყელში ისე, როგორც პოლონეთისას და სხვათა დასავლეთის ველებში.

ეს შესაძლებელია, მხოლოდ მაშინ, როდესაც საქართველოსთან ერთად მთლიანი კავკასიაც გადაჭრით უარს განაცხადებს ითანამშრომლოს რომელიმე რუსულ პარტიასთან, ან რაიმე თანავრძობა გამოუცხადოს რომელიმე რუსის მოღვაწეს, ვინც არ უნდა იყოს იგი, მარკოვი მე-2, სტრუვე, მილიუკოვი, ჩერნოვი, კერენსკი, აბრამოვიჩი თუ რიკოვი, უკეთესი წინასწარ არ მიიღებენ ვალდებულებას იცნონ სრული სეპარაცია კავკასიისა რუსეთისაგან.

ჯერ ჯერობით წინააღმდეგს ვხედავთ მათის მხრით.

მათი გრძობა, აზრი და მიზანი-მისწრაფებანი ძველს მიმართულებას არ ასტდენია: დაიმონონ კავკასია, სიძულვილი სთესონ კავკასიელე-



ბისა ყველგან და ყოველთვის, გააქრონ ხსენება კავკასიელთა და გაარულსონ ისინი.

ამაზე ორი აზრი და ორი რწმენა დღევანდელ ვითარებაში არ უნდა არსებობდეს კავკასიის ერთა და მათ ხელმძღვანელთა შორის. არ ვიცი თხვალ რას იტყვიან რუსები, დღეს კი იმ წრეში, რომელიც კავკასიის განთავისუფლების საქმის სათავეშია, სხვა რწმენისა და სხვა აზრის მქონე პიროვნება თუ ჯგუფი სამოქმედო ასპარეზს ვერ გამოიხატავს.

ბოლშევიკებთან ბრძოლაში ბევრს კლასობრივი და წოდებრივი მომენტი ამოძრავებს, ბევრს კი პარტიული.

აქ ეროვნული მომენტის ძლიერება დაფარულია და ამიტომ საქართველოს ეროვნულ-დემოკრატიული პარტია და მსთან ერთად მთელი ქართველი ხალხი საკითხის ასე მიდგომას მიუტოვებელ დანაშაულად აღიარებს, ვინაიდან კლასობრივ-წოდებრივი, გინდ პარტიული გრძობებით გამსჭვალვა აღუწებს, აყუჩებს და ხშირად აძინებს მეტბოლო ეროვნულ სტიქიას.

ბოლშევიზმთან ბრძოლა ერთი საშუალებათაგანია ჩვენი საბოლოო მიზნის მისაღწევად. იგი მხოლოდ ერთი ეტაპია ამ ბრძოლისა და თუ თვალს არ დავხუჭავთ რუსის ემიგრაციის მოქმედებაზე, მის აქტივობაზე კავკასიის საკითხში, დავრწმუნდებით, რომ ბოლშევიკებზე ნაკლებ ხარალს არც ესენი აყენებენ ქართულ საქმეს. საკმარისია შევამჩნიოთ ამათი მოქმედება საერთაშორისო დიპლომატიის კულისებში, ევროპისა და ამერიკის საქმიან წრეებში, წავიკითხოთ მათი ნაწერები საკუთარ თუ უცხოელთა პრესაში, მათი საჯარო გამოსვლები და სხვა, რომ დავრწმუნდეთ მათ მავნებლობაშიც. ესენი ჰკვებავენ ევროპის საზოგადოებრივ აზრს კავკასიის საკითხის ტენდენციურის გაშუქებით და ამცირებენ ჩვენს პრესტიჟს.

თუ მართალია ის ცნობები, თითქმის ამერიკელები იღებენ თავზე ნავთსადენი მილის გაყვანის საქმეს ბაქოდან და გროზნიდან ბალტიის ზღვამდე, ე. ი. პეტერბურგამდე, მაშინ უეჭველი უნდა იყოს ყველასათვის, თუ რა ზომამდე არაფერი გაკეთებულა კავკასიის განთავისუფლებისათვის იმათ მიერ, ვინც ამ მოძრაობას დღემდე ედგა სათავეში,

თუ ეს პროექტი განხორციელდა, მაშინ რუსეთი მთელის თავისის არსებით შემოდის კავკასიაში. ის არ დაკმაყოფილდება მარტოდღენ ნავთის ექსპორტ-იმპორტით და უშუალოდ გადააქვს თავის უზარმაზარი ტერიტორიის გასწვრივ კავკასიის ერთ-ერთი უდიდესი საარსებო ძარღვთაგანი, რითაც კავკასიას თავის ორგანიზულ ნაწილად იხდის.

ამ პროექტის სწორი და ახილი პოლიტიკური დაფასება უახლოვესი ამოცანა იქნება კავკასიის ერთათვის. ის ნახევრად ამცირებს ჩვენი ბრძოლის შანსებს და არაჩვეულებრივი ერთსულოვნება არის საჭირო, რომ ეს პროექტი ნასახშივე იქმნას ჩაკლული.

როგორც ვხედავთ, ამაზე შორს ველარ წავიდოდა ჩვენი ხელმძღვანელების გაკატრების საქმე და არც ამაზე მეტი საბუთი სჭირია კავკასიის ერებს, რომ მოითხოვონ სრული რეორგანიზაცია და ძირ-ბუდიანი, ღრმა ცვლილებების შეტანა განთავისუფლებისათვის მებრძოლ აპარატში.

თუ სიყვარული საქართველოსა, ბედი კავკასიისა ჯერ მთლად არ განვეულა პირად თუ პარტიულ წუმპეში, თუ მდგომარეობის გართულება ოდნავად მაინც არის შეგნებული, ყველა გაივებს და დააფასებს საქართველოს ეროვნული დემოკრატიის (სდას—1) ვეერდით ამოიყენოს კავკასიის თავისუფლებისათვის მებრძოლნი, რომელნიც გრძნობითაც და გონებითაც ორგანიულად განიძლიან კონფედერატიული კავკასიის აუცილებლობას და 2) ახალს და რიგიან საფუძვლებზე ააშენოს რუსეთთან ბრძოლის და საკუთარი არსებობის, როგორც პრინციპები, ისე მეთოდები და გზები.

იმ კატეგორიის ხალხი კი—რომელთაც ამოძრავებს სულმოკლეობა, შურიანობა. შურისძიების გრძნობები, კერპობა და დოგმატიკობა, კერძო ინტერესი, პოლიტიკური წამხრობა, მონური ფსიქოლოგია, ან მით უმეტეს ინტრიგანობა—ამ დიდი და წმინდა ბრძოლის ჯარისკაცებადაც კი ერ ივარგებენ.

ი. ხანანაშვილი.

ახალი თაობის დანიშნულება.

— რაზედ ფიქრობს ჩვენი თაობა?—კითხეს ერთ საზეიმო ვახშამზედ საფრანგეთის სოციალიზმის მედროშეს ე. ყორესს.—არასფერზე—იყო პასუხი ლაკონიური, მსუბუქი და მსირე ამ დიდი სოციალისტისა. მას მხედველობაში იმ ფრანგული თაობის მხოლოდ ის მსირე ნაწილი რომ ჰყოლოდა, რომელიც მასთან ერთად წითელ ბაირალს მისდევდა, უდაოდ მართალი იქნებოდა. მაგრამ ამ პატარა პასუხით მან იმ თაობის ის დიდი უმრავლესობა შეაფასა, რომელსაც დრო და სიმჩატე არა ჰყოფნიდა სოციალისტებზედ ეფიქრნა და რომლის აზრი და ფიქრი მეტად ღრმა და მძიმე იყო. საფრანგეთს დიდი ომი თავს დაატყდა. და ამ არასფერზედ მოაზროვნე-მოფიქრე თაობამ, მთელი განვლილი საუკუნეების სიგრძეზედ თავისი სიდიდით უმაგალითო, ეროვნული ომი სამაგალითოდ მოიგო. სოციალისტისა და კლასთა ბრძოლის მქადაგებელმა ყორესმა მისივე მოძმის ხელით ნასროლი უსწობი ტყვიით, თავისი სწობილი სიცოცხლეს ტრადიკულად წააგო. ვინ იტყვის, რომ მისი მკვლელობა მისივე ქადაგე-

ბის ნაყოფი და თვით მისი სულიერი შვილი არ იყო. მან სიჭაბუკის ხანაში ეროვნულ-პატრიოტულ იდეებს შეუდარებელი დედო-ფორმა და შინაარსი მისცა. თვით ის კი, როგორც სუდი ეროვნული პრაქტიკანტი მის გარეშე დარჩა. მაგრამ ბოლოს მაინც ეროვნული პანთეონის კარები გაუღეს და მისი წითელი ბაირალით იქ დააბინავეს. ეს მხოლოდ ფრანგის ღრმა და მწიფე ეროვნულს შეგნებას შეუქლია. ეროვნულ-თავდასვით ომში მოკლული უსწრები ჯარის-კაცი კი პარიზის გულში ჩაასვენეს და მისი საფლავიდან მოგინგინე სეცსლის ენით ამეტყველდა ხორც-შესხმული აზრი და ფიქრი იმ თაობისა, რომლის სიმძიმეს ყორესი მარქსის სასწორით წონდა. და საკვირველებავ! მთელი საფრანგეთი სალიტანიოდ ასკლდება უსწრები ჯარისკაცის საფლავს; პანთეონში წითელი ბაირალის ქვეშ ამოფარებულს სწობილ სოციალისტს კი ძილს არავინ უფრთხობს.

ქართველ ერს უამრავი თაობანი გამოუტყლია. მათ შორის სულიერი ნათესაობა, ეროვნული მიზნის და მისწრაფებათა იგივეობა არასოდეს შესწყვეტილა, — და ამის ძალით ქართველ ერსაც დღემდე მოუღწევია. რუსეთმა დაქანგული ნაჯახით გააპო ქართული აზრისა და ფიქრის დამტევი დ. ყიფიანის შუბლი და მისი მიმდევნო სისხლ-მოწამლული ქართული თაობაც შუა გაჰყო. ძველ თაობათა სულიერ მემკვიდრეობის სიძლიერით სისხლის მოწამვლას გადარჩენილი თაობის მეთაურის შუბლს ტყვია ჰკრა, ეს წმინდა სისხლი დაანთხია. სისხლ და სულთ-მოწამლული თაობის მეთაურის შუბლს, კარგი ყმობისათვის ბაგარტოვანთა გვირგვინი დააღდა. და ამ უთაო მეთაურისა და „გვირგვინოსანი“ მეფის სახელით იწოდება ის თაობა, რომლის მზითს ვეფხის ტყაოსანის ნაცვლად მარქსის „კაპიტალი“ შეადგენს; და რომლის ერთ-ერთმა შტომ სოსოდ წოდებულმა თავზედ რომანოვების გვირგვინიც კი დაიდგა.

ყორესის ამ მოათესავე თაობას არ მოსწონს მისი დროის ნამდვილი ქართული თაობა და მას სამკვდრო-სასიცოცხლო ომს უსწადებს. მას არ მოსწონს არც მისი მომდევნო ქართული ახალი თაობა, რომელმაც ჯერ კიდევ პირზე დედის რძე შეუშრობელმა სამშობლოს დასვისა და თავისუფლებისათვის ბრძოლათა მთელი რიგი გადაიხადა — აღვიდა და ააპოცხლა ძველი ქართველი. ჩვენი დამოუკიდებ ღობის ხანა ამ ორ თაობათა შორის ბრძოლის ფაქტებით აღივსო; ამისი მოწამეა თბილისის უნივერსიტეტის დღეს წამებული კედლები, და არასოდეს ამ ახალი პატრიოტული თაობის ბეგობარნი თბილისის სასახლეც ვერ გაბედავს ამას უარისყოფას. მიზეზი ამ ბრძოლისა ის იყო, რომ ეროვნულად გამოფხიზლების ხანაში დაბადებულმა და წინამურის ველზედ დანთხეული სისხლით მიზონსებულმა ახალმა თაობამ ძველ ქართულ თაობებთან სულიერი კავშირი აღადგინა და ხელი არ მოჰკიდა ქართულ თაობათა იმ უკანასკნელს დაქანგულსა და სისხლიანს რგოლს, რომელსაც ყორდანას თაობას ეძახიან.

ეს თაობაც ისე ახასიათებს ამ ახალ თაობას, როგორც არასფრზედ

მოაზროვნე-მომფიქრეს, უსაქმურს, ზერეღესა და უდარდელს. ამ ფუქსავატ შეფასებაზედ პასუხი მომავლისათვის მიგვიჩინა, ხოლო დღეს კი ჭეშმარიტება ის არის, რომ მათის წყალობით სამშობლოდგან გადმოხვეწილს ახალგაზრდობაზედ სრულიად არ ზრუნავს ეს ძველი თაობა და იგივე მთავრობა, და თუ ზრუნავს მხოლოდ იმათზე, ვისთაჲ საქართველოდან მარქსის „წმიდა პერანგი“-ს ნახევი წამოუღია; ნეტარ არს ის ვინც მარქსი დაიმსახურა, ხოლო უბედური ჭარბზედ-ჭარბი ის უმრავლესობა, რომელ მაც სამშობლო ჭეშმარიტად დაიმსახურა, ფეხი გადმოსდგა, გული კი სამშობლოს საზღვარზედ დაუვარდა.

ჩვენი თაობამ ყური არ უნდა ათხოვოს უკუღმართ საუკუნეში დაბადებულსა და იქვე გაკოტრებული თაობის ბურტყუნს. „ავსა კარგად ვერვინ შესცვლის, თავსა ახლად ვერვინ იშობს“. და ერთხელაც სიმწრით დაბადებული ეს კუჩიანი თაობა ხელახლად ველარ იშობა, რომ მოზარდმა ახალი სული, ზნე და ხასიათი შეითვისოს. ჩვენი თაობის აზრი-გონება-ფიქრი უკლებლივ მხოლოდ საქართველოსაკენ უნდა მიიმართოს, რათა ჭეშმარიტად შევიცნოთ მისი ტკივილები და მათგან განვკურნოთ. იმისათვის, რომ ამ ჩვენი მოვალეობა-დანიშნულების სიმძიმე წარმოვიდგინოთ და შევიგნოთ, სასწორის მეორე თვალზედ საუკუნოებით დამძიმებული ჩვენი სამშობლო უნდა დავსდოთ.

საქართველო ათეულ საუკუნეთა განმავლობაში ურისცხე მტერთა წინააღმდეგ განუწყვეტელ ბრძოლებში სისხლისა და მოსახლეობისაგან დასლილი; მისი მიწა-წყალი მტერ-მეზობელთა შორის განაწილებული, და მსირეზედ-მსირე მოსულობაზედ, ბოროტის განზრახვით ეროვნულად ათქვეფილი მოსახლეობა, ხელგნურად რამოდენიმე სახელმწიფო ერთეულად დანაწილებული. ეროვნული უძრავ-მოძრავი ქონება, საქმიანობა უსზოელთა ხელში; მშვიდობიანი სზოვრებისათვის მოუსლელობით ეკონომიურად, კულტურულად ჩამორჩენილი; მისი დაუშრეტელი ბუნებრივი სიმდიდრე არაკითხულთაგან მსოფლიო საჯარო ვაჭრობაზედ, ვით ნაქურდალი ნივთი, გამოტანილი; და მისი ეროვნული უფლებებიც მსოფლიო ბაზარზედ გამოტანილ მატერიალურ საქონელზე დასაწონ ნაწილადთა ქსევი. ერ. ავნება, იჯახი, ეკლესია, საკუთრება, მოქალაქეობრიობა—პატივ აყრილი, შევიწებული და დანგრეული. და ამ ფესვებზედ წინაპართა რაოდენი შრომით, ზრუნვით, თავდადებით აღმოზრდილი და მათი სისხლითა და ძვალთაგან შექვიტვირებული სახელმწიფო, სნობილი და მძლეთა-მძლეველი, დანგრეული-მტვრად ქსეული, ვით ვარის სადგური სტიქიური მიწისძვრის მიერ; და ეროვნული სუვერენობა ამ ნანგრევებიდანაც კი, ვით დროებით იქ თავშეფარებული ბედურა, განდევნილი; ქართველი საქართველოში მონა და უენო, რუსი ბატონი და მეტყველი; ქართველი საქართველოს მტრად, რუსი საქართველოს მოყვარედ მიჩნეული. ისინი კისთაჲ ათასი წლობით საქართველო უზრდიათ-უშენებათ, მთელი მისი საუკუნოებით დატვირთული სიმძიმით, თავიანთ

მხრებზედ უტარებიათ—დღეს შეურაცყოფილი: ეროვნულ გმირთა დავით-კონსტანტინის წმიდა სხეულნი ასო-ასოთ აქმნილი, ქუჩებში გამასხარებულნი, თვით ქართველის ხელითვე მეორეთ ნაწამები; საქართველოს ოქროს ხანის მუცდელი, ჩვენი ისტორიის შუქურ ვარსკვლავი დავით აღმაშენებელი, მისი სახელიდანაც გაძარცვული, საქართველოს საეჭვო მოქალაქედ მიჩნეული; დასემული ერის მესიად მოვლენილი ღმერთ-კაცი ქართველის ხელითვე შუბლ გაპობილი, ვით ყაჩაღის მიერ უბრალო ჩარჩი ქალაქიდან დაბრუნებულნი....

ხოლო ისინი, ვისთაც საუკუნეებით დაფუძნებული ჩვენი ეროვნული სწავრება ათეულ წლოებით უნგრევიათ, ჩვენს წინაპართათვის სილა, საქართველოსათვის კი ტყვია უკრავსთ, მისი ისტორია „tabula rasa“-დ გამოუცხადებიათ, წარსული შეძახებიათ-დაუნგრევიათ, ხოლო ეს ნანგრევები—აწმყო მათაც კი შეზარებიათ, საქართველო თუ ქართველობა რუსეთის ჯარებით დაუპყრიათ—აღმშენებლებად, ეროვნულ წანებულლებად და ერის მეთაურებადაც კი გვევლინებიათ. და ამ ქეშმარიტად მეორეთ მოსვლისა და წარღვნის ხანაში ლოველის კოშკი ქართველ ტომთა და სხოველთა გადამრჩენ კიდობნად და თვით ამ წარღვნის გამომწვევ ეშმაკის მოსიქული ბიბლიურ ნოედ მიგვიჩვენია.

ღმერთო! დაიცე საქართველო.

ჩვენი მისუსტებული ეროვნული სწავრების საფუძვლების ნგრევა სწორედ იმ დროს დაიწყო, როცა უცხო მონობისაგან განთავისუფლებული ერი მთელის თავისის ძალღონით ძველი საფუძვლების გამაგრებასა და მათზედ ეროვნულ-სახელმწიფოებრივი სწავრების აღდგენას უნდა შესდგომოდა. ამ დროს შეიბღალა საკუთრება, მოქალაქეობრიობა. გაიძარცვა ეკლესია. დაიქცა ქართველის სისხლი ქართველისავე ხელით. ამ დროსვე გახადეს თამარ მეფის ოქროს ქოში. და ამ დროსვე ჩაღოთვა საქართველოს უდიდეს მეფე ერეკლეს—პატარა კახს—თბილისის ერთი პატარა სკოლაც და ვიღაც პლენხანოვს გადაეცა. ბედმა დაგვცინა. სად ერეკლე, სად პლენხანოვი?! და ვინ გაძარცვა პატარა კახი?—კაცმა სამეფხამ, ეროვნებით მენშევიკმა, არც-ერთი ქართული სიტყვის არ მოცინებ, ვისი გვარიც კი რუსულია და ქართულად „სხენიშვილათ“ ითარგმნება. ჩვენი ეროვნული სწავრების დანგრევას ფაქტებით გაიხსნა, აღივსო და დაიხურა ჩვენი ხანმოკლე დამოუკიდებლობის ხანა. ხოლო რაც გადარჩა, ამას გარედან შემოჭრილი რუსი ანგრევს. და საქართველო ყორღანის მიერ „tabula rasa“-დ გამოცხადებული და მე-II ინტერნაციონალის მიერ სასუქ-წენვ დაყრილი დღეს მე-III ინტერნაციონალის საცდელ მინდვრათაა ქცეული.

და ამ ნგრევა-დაცემისა და დაავადების ხანაში, უკან თუ მივიხედეთ რეაქციონერებად მოგვანთლავენ. („ჩემი შენ ვითხარი გული მოგიკალიო“). ჩვენი დიდებულნი მეფენი თუ მოვიხსენიეთ და მათ ხსოვნას პატივი ვეცით—მონარქისტებად. თუ ვსთქვით, რომ ვახტან

მეფე, დავით აღმაშენებელი, სოლომონ მეფე და ძველი საქართველოს უკანასკნელი მნათობი ერეკლე მეფე, რომელთაც ალბათ მარქსის „კაპიტალის“ არცერთი ტომი არ წაუჯივთხავსთ, უფრო დიდი სახელმწიფო მოღვაწენი და ერის ხელმძღვანელები იყვნენ ვინემ ნ. ქორდანიას, მოღალატედ გამოგვაცხადებენ. და ვინ გაბედავს სთქვას რომ სოლომონ ლეონიძე უფრო დიდი პოლიტიკოსი და დიპლომატი იყო ვინემ გრიშა ურატაძე; ან თუგინდ ვახუშტი უკეთესი ქართველი გეოგრაფი—ვინემ იგივე ურატაძე. ქორდანიას პოლიტიკურმა და დიპლომატიურმა ნიჭმა ხომ დაჩრდილა სოლომონ ლეონიძე, ისე როგორც გვიმბრა ჩრდილავს ხლმეკაკლის ხეს მზის ჩასვლის შემდეგ.

აი ჩამორჩენილი, დანგრეული, დაცემული და დაავადებული ჩვენი ეროვნული ცხოვრება. მისი აღდგენა, გაჯანსაღება, განვითარება—აი ჩვენი თაობის დანიშნულება, უწმინდესი მოვალეობა, მისი აზროვნების, ზრუნვისა და თავდადების საგანი. აი ჩვენი თაობის არსებობის გამართლება. თაობა თაობას აბარებს ერს, როგორც ზრუნვისა და თავდადების საგანს და ეს მუდმივი ანდერძი ჰქმნის იმ ძლიერ სულიერს კავშირს, რომელიც ეგზომ ჯადოსნურად ანათესავებს-ასისწლხორცებს ათეულ საუკუნოთა წინ და უკან დაბადებულ თაობასთ. ეგევე არის ქვაკუთხედი პატრიოტიზმისა, რითაც ეგზომ მდიდარია ჩვენი თაობა. მაგრამ, ისე როგორც ეროვნული თვითარსებობა, პატრიოტიზმაც არ არის მხოლოდ გრძნობის შეილი. ჩვენმა თაობამ იგი გონებაში უნდა გადაიტანოს, აქ დაავაკაცოს. ანგარიშს აქაც თავისი წილი უძევს და ანგარიში კი სივი გონების საგანია. გაქრა ის დრონი, როდესაც ეროვნულ სახელმწიფოებრიობის დაცვა, შენარჩუნება-მშენებლობა მხოლოდ ხმლითა და გუთნით იყო შესაძლებელი. დღევანდელი პარტებები უფრო რთულია. ამ დენათვე მძიმეა ჩვენი თაობის მოვალეობაც. რაოდენს შრომას, ცოდნას, რაინდობას, თავდადებას მოიუხვოს იგი. ჩვენი თაობაც ამ უმძიმეს მოვალეობისათვის უნდა ემზადოს, რომ ძველ თაობათა ღირსეული მემკვიდრე გახდეს, საქართველოს დადების ხანა შეუქმნას და მოწიწებით ისტორიულის ანდერძით მომავალ თაობას გადააბაროს.

უფსკრულის პირას აღმართ-აღმართ აღმართების ეს ეკლოვანი გზა—საქართველოს დიდებისა. მის ასავლელოდ შემდგარს ჩვენს თაობას მართებს გონება მწიფე და მახვილი, თვალი მჭრელი, მუხლი და მკლავი მაგარი, და სიფრთხილით ავლა იმ კლდის ფერდობზედ, რომლის ნატეხი ნიკოლოზ ნიკოლოზის ძე რომანოვმა ამ რამოდენიმე თვის წინ უკზო საფლავშიც კი მარსხენა ხელით ჩაიტანა.

ელ. პატარიძე.

ტაქტიკა და ორგანიზაცია^{*)}

1. საკუთარი გზით

ის მუშაობა, რომელსაც ჩვენი ორგანიზაციები აწარმოებენ ამ ეამად უთუოდ იქნება მიჩნეული ჩვენი პარტიის ისტორიაში, როგორც ერთ-ერთი მნიშვნელოვანი მისი ეტაპი. ის დაიწყო ამ სამი თვის წინეთ, როდესაც საზღვარგარეთის ცენტრალურმა ბიურომ საჯაროდ სთქვა თავისი ახალი სიტყვა 22 ივნისის კრებაზედ.

სამი თვე ფრიად მცირე მანძილია საზოგადოებრივს საქმიანობაში, მაგრამ ამ მოკლე დრომაც უკვე საკმაოდ ნათელ ჰყო ჩვენი პარტიული მუშაობის ახალი გზის ბუნება. გარეგნული მისი გამოსახულებაა ჩვენი მუშაობის გასზოველება ყოველს დარგში, როგორც ორგანიზაციულს, ისე იდეურსა და პოლიტიკურში. ჩვენს პარტიულს სზოვრებაში დაგუბებული იყო მოქმედების წყურვილი, მრავალი აზრები და მრავალი განსდანი, რომლებმაც გზა იზოვეს და მიძინებულ ჰყუდროების საზღვრები გადალახეს. ამ სტიქიონმა წალეკა ყველა წვრილმანი უთანხმოებანი რომელნიც არსებობდენ ორგანიზაციაში და მისმა მსვლელობამ თავიდანვე მიაგნო იმ კალაპოტს, რომელიც მისთვის დიდი ხნით შემზადებული იყო ჩვენი პოლიტიკური სზოვრების ვითარების მიერ. ეს არის საკუთარი, დამოუკიდებელი ეროვნული და სახელმწიფოებრივი პოლიტიკის გზით.

რასაკვირველია, ჩვენი პარტია წინათაც არ ყოფილა ვინმეზედ დაქვემდებარებული და დამორჩილებული. მაგრამ ის შებოაკილი იყო და შეზღუდული იმ კავშირითა და ურთიერთობით, რომელიც მას მენშევიკურ პარტიასთან, ანუ უკეთ რომ ვსთქვათ, მის მეთაურებთან ჰქონდათ დამყარებული. საქართველოს სინამდვილეში ეს შეზღუდვა არ იყო სალმხრივი და ის არ ღებულობდა მახინჯ ფორმებს. მაგრამ უსზოეთის მუშაობის სინამდვილეში ეს ურთიერთობა, რომელსაც „საერთო ფორტს“ უწოდებდენ, მეტად მძიმე და საზარალო გამოდგა ჩვენი პარტიისათვის, ისევე როგორც ჩვენი საერთო ეროვნული საქმისათვის. არსებითად რომ ვიანგარიშოთ არც მენშევიკურ პარტიისათვის ყოფილა ბედნიერი მისი მეთაურების ასეთი გზით.

ჩვენი მოკავშირების მრუდე ბუნების გასწორება შეუძლებელი გახდა, თუმცა ჩვენ არ დაგვიზოგავს ამისათვის არავითარი საშუალება. მეტი გზა აღარ დარჩა და ამ წლის გაზაფხულზედ ჩვენმა პარტიამ თავისივე

^{*)} ბ-ნ ალ. ასათიანის მოხსენება, წაკითხული საქ. ერ.-დემ. პარტიის პარიზის ორგანიზაციის წევრთა საერთო კრებაზედ 27 სექემბერს 1929 წ.

ხელით მოსწრა გადაგვარებული და დამპალი ტოტა გაერთიანებული ბრძოლის იმ ხეს, რომელიც თვითონ მანვე დარგა საქართველოს მიწაზე 1921-1922 წლებში.

ჩვენ მრავალჯერ განვიხილავთ მიზეზები იმისა, თუ რატომ არ მოხერხდა არასოდეს ამ წრესთან პატიოსნური კავშირისა და ურთიერთობის დამყარება საერთო ეროვნულს საქმიანობაში. ამ ეამად ჩვენ მას აღარ დაუბრუნდებით. აღვნიშნავთ მხოლოდ ერთს გარემოებას, რომელიც გაცილებით მეტი მნიშვნელობის ყოფილა, ვინემ ჩვენ ვფიქრობდით. ეს ისა, რომ მენშევიკურ პარტიას ფაქტიურად განაგებენ ევაკუაციით წამოყვანილი მოხელეები, 1921 წელს წაქცეული მენშევიკური რეჟიმის პენსიონერები. გასაკებია რომ ამ წრეს არ ექნებოდა ის ჯანსაღი სულისკვეთება, რომელიც საჭიროა ერგული ბრძოლის წარმოები ათვის. ცუდი მოხელეებისა და პენსიონერების ბუნება ისეთია, რომ ისინი ერისაგან მოითხოვენ მუდამ მსხვერპლს მათი ძველი ღვაწლის ჯილდოთ, თუნდაც ამ ღვაწლს დიდი ზიანი და უნებაც მიუყენებიათ ქვეყნისათვის. ეროვნულ ბრძოლას კი სულ საწინააღმდეგო ბუნებისა და სულისკვეთების ხალხი სჭირიან: ისეთები, რომელნიც ერისაგან კი არ მოითხოვენ მსხვერპლს, არამედ თვით მიაქვთ ეროვნულს სამსხვერპლზედ ყველივე, რაც კი მათ მოეპოვებათ.

ამა წლის გაზაფხულზედ ასეთი ფრონტი დაიშალა სავსებით და საბოლოოდ, ვინაიდან ის ვერასოდეს აღსდგება იმ სახით, როგორც წინეთ არსებობდა. ესლა ვიკითხოთ: რა ცვლილებები შეაქვს ამ გარემოებას ჩვენს ეროვნულ პოლიტიკაში შინ თუ გარეთ?

2. საქართველოს ფარდა აეხადა.

ერთი შედეგი უკვე გვაქვს ფრიად საყურადღებო. მისი მნიშვნელობა კიდევ უფრო თვალსაჩინო იქნება შემდეგში. ეს არის მებრძოლი საქართველოსაგან პირბადის ჩამოხსნა. ეს პირბადე თავისავე ნებით ატარა მებრძოლმა საქართველომ მრავალი მიზეზების გამო. ხოლო ამის შედეგი ის იყო, რომ ბრძოლისა და საქმის მთავარი სიმძიმე, სიმწარე და მსხვერპლი ეკისრებოდათ ჩვენს წრეებს, ხოლო მენშევიკური წრეების მეთაურობა შინ და გარეთ ფაფხურით იყო გართული და ამ ბრძოლის სახელით კვებნა ტრახახითა და კეკლუტობით. ამის გამო დამყარდა და უკვე ცხრა წელი გრძელდება შემდეგი მომხიბლავი სურათი: ბოლშევიკები პარპაშობენ საქართველოსა და მთელს რუსეთში. მათი ყაყანი მთელს მსოფლიოს აბრუებს: რუსეთი გვაბედნიერეთ, საქართველო განვათავისუფლეთ და სამოთხედ ვაქციეთ და ესლა მთელი კაცობრიობის გაბედნიერებას ვაპირებთო. ამ გამომყარუებელ ყიჟინას უსახოეთში მენშევიკური კრიმანჭული ხვდებოდა: თქვენ რომელი საქართველო გააბედნიერეთ, საქართველო ჩვენია, ის ჩვენ შევქმენით და მას ვერავის დაუთმობთ, ზელი მისგანაო.

მთელი ამ ხნის განმავლობაში ჩვენ იძულებული ვიყავით ავგეტანა ყოველივე ეს, რაც უზომოდ აზიანებდა ჩვენს ეროვნულს ინტერესებსა და ბლაღავდა ჩვენს ეროვნულს თავმოყვარეობას. საქართველო არსად სჩანდა, მის სხენებაზედ ყველას თვალწინ ეს ბოლშევიკი და მეშევიკი უნდა აკუდებულებოდა. ჩვენ მეგობართა, თანამგრძობთა თვალწინ ეს ბოლშევიკური მენშევიკური დალი იყო გაშლილი. მართალია ამ ხნის განმავლობაში იყო მომენტები, როდესაც საქართველოს წამებულის სახე წამოიჭრებოდა მთელი კაცობრიობის წინაშე. მაგრამ მას ძლიერ მალე დაარავდა ამ ბოლშევიკურ-მენშევიკურ ფალანგობის დროს აყენებული მტერის კარიანტელი.

აქამომდე რას უცდიდით? რად უფრო ადრე არ დავალწიეთ თავი ასეთს ვითარებას? ეს არც ისე ადვილი იყო. ჩვენ ვიყავით იმ დედის მდგომარეობაში, რომლის პირმშოს გიყი დასტაცებს ხელს და ალერსით გულში ჩაიკრავს ამ საბრალო დედამ ყოველივე უნდა მოითმინოს და აჰყვეს ამ გიყის სურვილებს, სანამ დროს არ მოიხსნა თვით და მის ხელებისაგან ბავშვს არ გაანთავისუფლებს. ჩვენი ეროვნული საქმე ასევე პოლიტიკური გიყების ხელში იყო და ეროვნული საქართველოც უბედურ დედასავით ამ გიყებს თავზედ ხელს უსვამდა, რომ უარესი აეცდინა. მეცხრე წელს ყოველივე ეს დასრულდა. რის დაშვება შეეძლო, უკვე დაუშავეს ამ ეროვნულ საქმეს. ის სულს დაფავს მათს ხელში და მისი დახსნა და მოსულ იერება ძველი გზით აღარ მოხერხდება.

დადგა დრო, როდესაც შეწყდა ასეთი სიმანხიჯე და ეს მოხდა ყველა ჩვენი სალად გაგებულ ინტერესების კარნახით. ამ ორს მოდავე პატიოსან გვამებთან ერთად უნდა გამოჩნდეს თვით დავის საგანი—საქართველო. ის უნდა გამოჩნდეს მთელი თავის რეალობით, მთელი მისი არსებობით, მთელი მისი მისწრაფებებითა და ზრახვებით. ის უნდა გამოჩნდეს მის ზურგს უკან გამწკრივებული სახელმწიფოებრივი ცხოვრების მრავალ საუკუნეებით. ის გარშემორტყმული უნდა იყოს ყველა ეროვნული და სახელმწიფოებრივი ცხოვრების იარაღებთ, რომელიც კი შეუქმნია მას და მოუპოვებია. არ უნდა იყოს დაფარული მის მიერ გაღებული მსხვერპლი და თავის სახელმწიფოებრივი არსებობისათვის გადახდილი ბრძოლები. ეს იქნება არა მარტო სინამდვილე და სიმართლე, არამედ ეს იქნება აგრეთვე ფრიად სასარგებლო საქმე ჩვენი ეროვნული მიზნებისათვის, ვინ უნდა იწამოს საქართველოს სახელმწიფოებრივი არსებობის შესაძლებლობა, უკეთეს ის ბოლშევიკსა და მენშევიკს გარდა ვერავის იხილავს ამ საქართველოს ბრძოლის საქმეში? ეროვნულ-სახელმწიფოებრივ წრეების გამოსვლა ჩრდილიდან დაანახვებს ყველას, რომ მართალია არსებობს ბოლშევიკური საქართველო, მაგრამ ეს არის ცხოვრების ზედაპირი, კვამლი და მტერი რუსეთის ჯარების ქუსლთაგან აყენებული. და აქაც არის მენშევიკური საქართველო და ეს არის კოკორ წართმეული და ატირებული ბაღლი. ხოლო იქ იმ ბოლშევიკურ თარემობის ქვეშ არის ნამდვილი

საქართველო, მრავალ საუკუნეებით დასერილი, მრავალჯერ ნაწამები, მაგრამ მუდამ მტკიცე და მებრძოლი და აქაც ამ მენშევიკურ მტირალასთან ერთად მოიპოება იმ საქართველოს გამოძახილი, მისი ნაკადი, ეროვნული და სახელმწიფოებრივი მიზნებით აღჭურვილი და მისთვის მებრძოლი.

ეროვნულ-დემოკრატიული პარტიისა და მისი მონათესავე წრეების დადგომა ამ საკუთარი პოლიტიკის გზაზედ მტკიცედ და გაბედულად მიზანშეწონალი და სასარგებლო იქნება ჩვენი ეროვნული მიზნებისათვის ყოველს პირობებსა და ყოველს გარემოებაში. ჩვენ მტკიცედ გვწამს, რომ საქართველოს სახელმწიფოებრივი აღდგენის საქმის გამარჯვება მოახლოვებულია. მაგრამ მკითხაობას ნუ შეუდგებით და ზოგადათ ვთქვათ, რომ ჩვენი ეხლანდელი გეზი სავსებით სრულად ანგარიშობს ყველა შესაძლებლობას და გარემოებას. კარგს პირობებს ის მაქსიმალურად გამოიყენებს და სულ პირობებსაც მაქსიმალურად მსირე ზიანს მიაყენებინებს. ის რეალურის გზით მიდის, თვალხილული ანგარიშობანობის გზით და ის ყოველთვის უფრო მალე და ნაკლები მსხვერპლით მიაღწევს თავის მიზანს.

3. ეროვნულ-სახელმწიფოებრივი ძალების შემოკლება

მაგრამ ეს მხოლოდ პირველი საფეხურია ჩვენთვის. ეს მხოლოდ გაწმენდაა იმ ასპარეზის, რომელზედაც უნდა გაიშალოს ჩვენი ბრძოლა და ჩვენი მუშაობა. ამ ბრძოლისა და მუშაობის მიზანი ყველასათვის ნათელია, ეს არის საქართველოს სუვერენობის აღდგენა. მაგრამ დამოუკიდებლობის აღდგენა კიდევ არ არის საკმარისი, საჭიროა სახელმწიფოებრივობის დამყარება. ჩვენ გვინდა სუვერენული სახელმწიფო, ჩვენთვის ეს განუყოფელია და ამის გამო ჩვენს ბრძოლასა და მუშაობაში ეს ორი მხარე ერთი საგნისა ანალოდეს არ უნდა იყოს დავიწყებული. სამწუხაროდ ჩვენ ეს ვერ დავიძავით ვასული წლების მანძილზედ. ჩვენ ვკმნდით მებრძოლ ძალების კავშირებს, სხვა და სხვა გაერთიანებულ ორგანიზაციებს. ამ კავშირში თავს უყრიდით ცველას, ვინც კი იყო საქართველოს დამოუკიდებლობის მომხრე. სინამდვილემ დაგვანახა და მწარედაც დაგვანახა, რომ ეს დამოუკიდებლობის მომხრეობა არ იყო საკმარისი საწინააღმდეგო, ხოლო როცა სიტყვა საქმეზედ მიდგა, გამოირკვა, რომ საქართველოს დამოუკიდებლობა ბევრს ისე ესმის, რომ ეს დამოუკიდებელი საქართველო უნდა განდეს მათი „იაჩიკის“ საუფლისწულო მამულად. იქიდან ყველა უნდა იყოს გადანილი, ან ყმად გამოცხადებული. ერთი სიტყვით ამ „იაჩიკის“ არა მორჩილი იქ არ უნდა იყოს „გაქაქანებული“ როგორც ამას ასე მჭერმეტყველად უკარნახებდნენ ნ. ყორდანი და ნ. რამიშვილი თავის აგენტებს 1927 წლის: ზაფხულს საქართველოში გაგზავნილს წერილებში. მწარე მაგალითებმა საკმაოდ გამოამყლავნეს ასეთი ელემენტების სახე, ბუ-

ნება და რაოდენობაც. ღვთის მადლით ბევრი არ არიან. ისინი ველარ გახდებიან ახალი მებრძოლი ეროვნული კავშირების მონაწილეთ. წაქეულ სახელმწიფოს აღდგენისათვის საბრძოლველად მხოლოდ ისეთი წრეები გამოდგებიან, რომელნიც სახელმწიფოებრივად აზროვნებენ და სახელმწიფოებრივი ცხოვრების უმაჯურესი ზნე და ხასიათი აქვთ შეთვისებული და მიღებული. ასეთი საზომის მიღება არ ნიშნავს, რასაკვირველია, რომ სოციალისტური აზროვნების მექანიზმი მისგან ამოშლილი იქნებინ ერთიანად. სოციალისტური პოლიტიკა და აზროვნება ხშირად აწერს ხელს სახელმწიფოებრივი გზის შერიგებასა და ამ გზით მუშაობას თავის მიზნების მისაღწევად. მაკდონალდს, სნოუდენს, ჰებერტს თუ მიულერს ანტი-სახელმწიფოებრივ მოღვაწეებათ ვერვინ მიიჩნევს მიუხედავად იმისა, რომ ისინი სოციალისტები არიან. ამასთან ერთად არა სოციალისტურს წრეებშიც ბლომად მოიპოვებინ აწვევტილი, სახელმწიფოებრივი ცხოვრების ყველა პირობებს გადაადენილი ელემენტები.

მებრძოლი ძალების ასეთი გადარჩევა ჩვენ მიერ რასაკვირველია, არ არის გ მოწვეული ვინმესადმი მტრობითა და მძულვარებით. არსებითად ჩვენ დაუბრუნდებით იმ გეზს რომელიც საღი ინსტიტუტით აღებული გვექნადა თავიდანვე, განმანთავისუფლებელი ბრძოლის დაწყების ხანში. საქართველოში ასეთი გეზი აიღო ჩვენმა პარტიამ ხელახლა 1925 წლიდან. სოციალისტურ წრეებიდან მხოლოდ ისეთებს იკავშირებენ, ვისთანაც პიროვნული ნდობა აქვთ. უიმედო იქნება ჩვენის მხრივ ადამ, რომ ეს ჩვენი წრეები კვლავ გადავაბათ მენ ჰევიკურ ჯგუფებს, განურჩევლად იმისა თუ როგორი ბუნება და ხასიათი გამოამყავნეს მათ ამ უკანასკნელ საბედისწერა წლების მანძილზედ. ასეთი უიმედო შეკავშირების მოწყობა რომ დავიწყეთ, ვერას გავხდებით იმის მეტს, რომ ყოვლად ღანსაღ და საიმედო ძალებსაც დავქსაქსავთ და ბრძოლის საქმეს დავაშურებთ.

4. კ ა ვ კ ა ს ი უ რ ი კ ა ვ შ რ ი .

ეს იქნება ერთ-ერთი უმნიშვნელოვანესი საკანი მომავალი ჩვენი მუშაობისა. გასაგებია, რომ კავკასიურ ძალთა გაერთიანება გაცილებით მეტს შესაძლებლობას შეუქმნის კავკასიის ერთა განთავისუფლების საქმეს, ვიდრე ეხლანდელი დაქსაქსულობა და დაშლილობა. კავკასიის მებრძოლ ერთა მტკიცე კავშირი დაახლოვებს ამ ერთა სუვერენობის აღდგენას, მაგრამ მათი კავშირი ამით არ უნდა დასრულდეს. უკეთუ ჩვენ გვინდა უზრუნველყოთ ჩვენი სახელმწიფოებრივი არსებობა მტკიცედ და სავსებით. ევროპის უძლიერესი სახელმწიფოებიც კი ბჭობენ მუდმივი სახელმწიფოებრივი კავშირის, კონფედერაციის შექმნის საპირობაზედ. ხოლო კავკასიის ერთა კავშირის აუცილებლობაზედ ღალადებს ამ ერთა ყველა ინტერესები. ეკონომიური თუ კულტურული და მათი ისტორიის ყველა საუკუნეები.

ასეთი მიზნები უკარნახეს ჩვენს ერს იმ სახელოვანმა მესამე-ციანე-ებმა, რომელთაც დააფუძნეს და დაამყარეს საქართველოს ახალი ეროვნუ-ლი ცხოვრება. მათ კარგათ ჰქონდათ შესწავლილი და ნაანგარიშევი ყოვე-ლივე რაც კი შეეხებოდა ჩვენი ეროვნული საქმის განმტკიცებასა და გა-ძლიერებას კავკასიელ მეზობლებთან კავშირი საერთო ეროვნულ მიზნე-ბის მისაღწევად და შემდეგ მუდმივი სახელმწიფოებრივი კავშირი—კონ-ფედერაცია საერთო თავისუფლების დასაცავად და განსამტკიცებლად—აი როგორი იყო მათი გეგმა. მათ შემდეგ ეს საქმე წინ არ წასულა, მიუხედა-ვათ იმისა, რომ ამ მიზნების განხორციელებისათვის ფრიად კარგი პირო-ბები გვექონდა 1917-21 წლის განმავლობაში. კავკასიის ერთა მეთაურებმა ვერ გამოიჩინეს ამ საკითხში სათანადო წინდახედულობა და ანგარიში-ანაბა. მხოლოდ 1924 წლის შემოდგომამდე დაიწყო პრაქტიკული მუშაობა ამ სავანედ. ეს ხდება ჩვენი პარტიის თაონობითა და ენერგიული მონა-წილეობით. შემდეგ მენშევიკური მეთაურობაც ჩაერია ამ საქმეში და ამის შედეგი ის არის, რომ ყოველივე თავიდან დასაწყები ხდება. ეს ხალ-ხი თითქოს მთელს კაცობრიობას აერთებს თავის ინტერნაციონალში, ხო-ლო მეზობლებთან შეთანხმებისა და კავშირის მოწყობა არ ეხერხება. პი-რველი ცდის ასეთი შედეგი ჩვენ არ უნდა გვევრიდეს უიმედობას. ყოვე-ლივე გამოსწორდება და იმედია ისე საფუძვლიანად, რომ მისი შეფერხება არავის შეეძლოს ასე წარა-მართ.

5. ახალი ჯგუფები: ბრახუნისტები და ჩურჩულისტები.

სავსებით ბუნებრივია, რომ ჩვენმა საზოგადოებრივ ძალთა განწყო-ბილებამ დიდი სვალებადობა განიცადა ამ უკანასკნელი 10 წლის განმავ-ლობაში. სოციალისტურად წოდებული პარტიები რომ ქრებიან ეს სავ-სებით გასაგებია. გასაკვირველი ეს კი არ არის, არამედ ის, რომ ასე ფარ-თედ იყვენ მოდებული ჩვენს ცხოვრებას ამ 25 წლის მანძილზედ. ხალხმა გაიწნო და თავის ზურგზედ გამოსადა სოციალისტური პოლიტიკის ყველა ნიმუშები ამ პოლატიკისაგან მოგებული არავინ სჩანს გარდა ზო-გიერთი ბელადებისა, ხოლო წაგებული მთელი ერია, მთელი ხალხი. სავ-სებით გასაგებია, რომ ასეთს პოლიტიკას ყველა მტრულად უყურებს და გლახობა პირველს რიგში. თავის ბედნიერი მოღვაწეობის ასეთმა შედე-გებმა შეაშფოთა სოციალისტური პოლიტიკის მოპიქულები, ხოლო ხალხის რისხვამ ისინი დააფრთხო და აქეთ-იქით გააბნია. უმრავლესობამ მაინც გაიკვლია გზა და ბოლშევიკების კარს მიადგა, რადგან იქ სოცია-ლისტური სახელიც ეგულებათ და სოციალისტური სახრავიც. ვინც შერ-ჩა თავის სახელოვან დროშას, ისინი მკითხაობენ და მკვდარი სულების თვლით არიან გართული—წინეთ ასეთი ძლიერი ვიყავით, ამოდენა ხმემი შივილეთ არჩევნებში, ამდენი კაცი ჩაეწერა ჩვენს პარტიაშიო და სხ. ამათ ასავალ-დასავალს ვერავენ გაიგებს. რა მიზნები აქვთ, რა გეგმები, ან და რა გონიერი გეგმები უნდა ჰქონდეს ამ ათასჯერ გზა დაბნეულ ხალხს?

საფუძვლიანი და რომ ის საუკეთესოდ აკმაყოფილებდეს მ. ელი ერის ყვე-
ლა ინტერესებსა და მოთხოვნილებებს—სულიერსა თუ ქონებრივს, საჭი-
როა, რომ თვით ხალხი აღიზარდოს და ამაღლდეს კულტურულად და
ეკონომიურად და მამსადამე პოლიტიკურადაც. ამისათვის კი საჭიროა
მრავალფეროვანი მასსიური შრომა და შემოქმედება და არა ბრახუნიში
და ჩურჩხულიში.

6. ო რ გ ა ნ ი ზ ა ც ი ა.

ჩვენი შინაური და საგარეო მუშაობის ამოცანები უძირო ზღვას
წარმოადგენს, ხოლო ჩვენი შესაძლებლობანი ძალზე განსაზღვრულია. მაგ-
რამ დიდი საქმეა და დიდი ხელოვნება ამ ძალების ისე გამოყენება, რომ
მან მაქსიმალური ნაყოფი გამოიღოს. ეს შეიძლება მხოლოდ მწყობრი და
დალაგებული მუშაობით, რომლის მისაღწევად მტკიცე ორგანიზაციისა
და სისტემის შექმნაა საჭირო. ამ მიმართულებით დიდი მეცადინეობა
გვმართებს. ყოველივე ჩვენს წინააღმდეგაა მომართული, ყოველივე ჩვენ
გვაბრკოლებს, მაგრამ ჩვენ უნდა გადავლახოთ ყოველივე ეს, რადგან ჩვე-
ნი პარტია ერთადერთი სახელმწიფოებრივი ორგანიზაციაა საქართველოს
სინამდვილეში და მისი პოზიციებიდან მოხსნა უდიდესი მარცხი იქნებო-
და ამ ეროვნული სახელმწიფოებრივობისათვის. როდესაც ერთ მოკლებუ-
ლი სახელმწიფოებრივ არსებობას, ეროვნული სახელმწიფოებრივი მიმა-
რთულებანი ასრულებენ სახელმწიფოს მაგიერობას შესაძლებლობის ფარ-
გლებში დღევანდელი მდგომარეობა ჩვენი ერისა ასეთია და ჩვენი პარ-
ტიის როლიც ასეთი ბუნებისაა.

ჩვენი პარტიის შედგომა დამოუკიდებელი პოლიტიკის გზაზე დიდ
იერიშებს იწვევს მის წინააღმდეგ. საიდან არ გვივლიან, საიდან არ გვიტე-
ვენ? იმ ზომამდე მიდიან, რომ თითო-ორთაა მერყევ წვევრს გვიძებნიან
და მათს გადაპირებაზედ თავს იტყვენ, ათასი აღთქმითა და ათასი დაპი-
რებით. ამ ხალხს ისიც ვერ შეუგნია, რომ ჩვენი პარტია სულ სხვა მდგო-
მარეობაშია, ვიდრე ვთქვით მენშევიკური, რომელსაც ახალი ძალები
აღარ ემატება და ამის გამო ყოველი წვევრის გამოკლება მისთვის სამი-
მოა. ამ მოკლე ხანში ჩვენ თვითონ მოვახდენთ ორგანიზაციების გაწმენდას
და შეიძლება თვითონ ჩვენ გაუზგავნოთ მათ ასეთი მერყევები, უკეთუ
ისინი აღმოჩნდნენ. მაგრამ ესეც არ არის მთავარი. ჩვენებური სოციალის-
ტური პარტიების ძალა მხოლოდ ის არის, რაც მათს პარტიაშია ჩარიცხუ-
ლია. ხოლო პარტიის გარეშე მდგომი ყველა წრეები და მთელი ერთი მათ
უპირდაპირდება და მტრულადაც უტყერის. ჩვენი პარტიის ბუნება და
მდგომარეობა სულ სხვა გვარია. პარტიაში ჩარიცხულნი მხოლოდ მსირე
ნაწილს შეადგენს იმ ფართე მიმდინარეობისა, რომელიც ერთი აზრებითა
და შეხედულობებით არის გამსჭვალული პოლიტიკურისა და სოციალური
საკითხების შესახებ. ამის გამა ჩვენი პარტიისათვის უფრო მოხდენი-

ლია და შესაფერი ამ მასხასთან შედარებით მსირე რიცხოვანი, მაგრამ მტკიცედ შეკრული ორგანიზაციები, რომლებიც საკამანდო როლს თამაშობენ ამ მრავალ რიცხოვან მიმდევრებისათვის. ასეთია ბუნება ჩვენი ორგანიზაციისა ყოველთვის და ყოველგან. მშვიდობიანობის ხანაში ის ინსტრუქტორი უნდა იყოს და გზის მაჩვენებელი და საქმიანი მეთაოსნე პოლიტიკურისა და ეკონომიური ცხოვრების ყოველს დარგში. 1921 წლიდან მას მეორე ხასიათის საქმე ჰქონდა დაკისრებული: ის მებრძოლი ერის პოლიტიკური და სამხედრო სარდლობა იყო, ყველა დაბა-სოფლებში გაბნეული მებრძოლი ხელმძღვანელობდა. ამ ხანამ შეიტანა ჩვენს ორგანიზაციულს წყობაში ზოგიერთი ცვლილებები, რომელიც მკაცრ ცენტრალიზაციასა და მკაცრ დისციპლინას ამყარებდა. ასეთი წესები სავალდებულო იქნება ასეთს პირობებში, ხოლო მშვიდობიანს ხანაში მისი შეცვლა აუცილებელი იყო—და ასეც მოხდა. ეხლანდელი ჩვენი ორგანიზაციული წყობა წარმოადგენს ამ ორი წყობის სინტეზს და ის მხოლოდ წვრილმან ცვლილებებს მოითხოვს სამარსა და სრულიად მშვიდობიანი ცხოვრების ხანაში. 1925 წლიდან საქართველოში მოახდინეს ჩვენმა ორგანიზაციებმა ეს ცვლილებები და უკანასკნელ წელს ეს უცხოეთშიც დავამყარეთ სავსებით. ცვლილებები მხოლოდ გარეგნული არ არის—ბიუროები, გენ. მდივანი და სხ. წინანდელს ჩვენს წყობაში კომიტეტები მეტად სრული უფლებებით სარგებლობდნენ. ისინი ფარავდენ ქვევით ორგანიზაციას და ზევით მაღლა მდგომ ორგანოს. ესლა ხდება მათი განტვირთვა. მისი უფლებების დიდი ნაწილი ორგანიზაციაში გადადის, ხოლო რაც მას უფლებები ჰქონდა და ესლაც აქვს ადმინისტრაციულ სფეროში აქ ის უფრო მტკიცედ ექვემდებარება ცენტრს. ამ რივად ფართოვდება ორგანიზაციითა უფლება. ის სრული უფლებებით სარგებლობს ორგანების შექმნისა და მათი მოღვაწეობის კონტროლს საქმეში, ხოლო რაც შეეხება გამგეობას, აქ ბიუროების უფლებები ისეთივეა, როგორც იყო წინეთ, ხოლო უფრო მტკიცედ არის გატარებული ქვემო ორგანოს ზემო ორგანოდან დამოკიდებულება და დაქვემდებარება. ამის გამომდინარე ადმინისტრაციული ცენტრალიზმი უფრო მწყობრად არის გატარებული. მიღებული ცვლილებები უკვე ტარდება ცხოვრებაში და მისი დადებითი შედეგების მიხედვით შემუშავებულია სრული ორგანიზაციული წესდება, რომელიც დამტკიცებული იქნება მახლობელს დროში.

7. ძ ა ლ ა - უ ვ ლ ე ბ ი ს ს კ ი თ ბ ი.

ჩვენ აღვნიშნეთ უმთავრესი ხაზები ჩვენი მუშაობისა. ჩვენ მუდამ უნდა გვახსოვდეს ამ მუშაობის დროს ჩვენი უფრო შორეული მიზნები, ხოლო ყოველთვის თვალწინ უნდა გვედგას ის საფეხურები, რომლებსაც მივყევართ ამ მიზნებისაკენ. ხოლო ბევრს ემართება და შეიძლება ჩვენს დაგვიმართნია, რომ შორეული მიზანი მუდამ გვახსოვდა, ხოლო მახლობე-

ლი ამოცანები ხშირად გვავიწყდებოდა თუ უყურადღებოდ გვრჩებოდა.

ჩვენი მუშაობა ისე უნდა იყოს აგებული და ისეთი საფეხურები უნდა იყოს მახაზული ამ ზორეულ მიხნებთან მისასვლელად, რომ მისი განვლა ჩვენ უნდა შეგვეძლოს საკუთარი ძალით, საკუთარი ფეხებით და ეს უნდა შეგვეძლოს ყოვლად აუღს პირობებში. თუ ბედი გავვიღივებ, ხელშეგვიწყობა და მხრებში ამოგვიდგება, მაშინ ხომ დიდი ნახტომებით გადავირბნეთ ამ საფეხურებს, ხოლო თუ ეს არ მოხდა ნელის ბიჯებით გაუღებით ჩვენს გზას.

მაგრამ როგორი ნაბიჯებით არ უნდა მიუახლოვდეთ სამშობლო მიწა-წყალს, ჩქარისა თუ ნელის, ერთს საკითხში ჩვენ უკვე მიღწეული გვაქვს უმაღლესი საფეხური და ამ საკითხშია ჩვენ არ უნდა ჩამოვსოვდეთ ძირს, რომ თავიდან დავიწყეთ მალა ასვლა. ეს საკითხია ძალა-უფლების საკითხი. ამ საკითხში ჩვენი განზრახვა ნათელი უნდა იყოს და არც არის მისი დამალვა—დაე იპოვდნენ ყველამ, მტერმა და მოყვარემ. წინააღმდეგ ამისა, ყველამ გაიგოს და ეს მათთვისაც არის სასარგებლო: თავის კალაპოტს მოძებნიან და ამ კალაპოტში მოთავსდებიან, თავის მოღვაწეობას შეაფასებენ და თავიდან ფეხებამდე დაათვლიერებენ, განვიღვ გზაზედ მიიხედავენ და იქ დანარჩენარ ღვაწლს დაითვლიან, შემდეგ ირგვლივაც მიიხედ-მოიხედავენ და სხვასაც გადაავლებენ მოწყალების თვალს. მხოლოდ ამ გზით შეუძლიან მათ საკუთარი მნიშვნელობისა თუ არარაობის შეგნება.

ამიტომ ჩვენ მტკიცად და ახდლიად ვაყენებთ ამ საკითხს ქვეყანა და ხალხი დაიქცა, გაღატაკდა, ფიზიკურად ნადგურდება, სულიერად ეცემა. მის წამებას ბოლო უნდა მოეღოს, უნდა დამყარდეს ისეთი წყობა, რომელიც უზრუნველყოფს მის ფიზიკურ არსებობას და განვითარებას. ბოროტი ექსპერიმენტების ხანა უნდა დამთავრდეს, მშვიდობიანი შრომისა და შემოქმედების ხანა უნდა დაიწყოს. ეროვნულ-დემოკრატიული მიმართულების შექმნილია და დაფუძნებული ყოველივე ის, რაც შეადგენს ჩვენი ეროვნული ცხოვრების საფუძველს და ის განაგრძობს მის შინებას და დანგრეულის კვლავ აშენებას და შეკეთებას. ეს მხოლოდ მშვიდობიანი სახელმწიფოებრივი ცხოვრების ფარგლებში მოხერხდება და ის ამ სახელმწიფოებრივი ცხოვრების სადავეებს აიღებს ხელში, რომ ეს მშვიდობიანი ეროვნული და დემოკრატიული პოლიტიკა დაამყაროს. მენშევიკურსა და ბოლშევიკური რეჟიმის შემდეგ დემოკრატიულ სახელმწიფოებრივობის დამყარება მიუძღივებულზედ მიუძღივებელია და ჩვენ მუდამ უნდა გვახსოვდეს და მუდამ უნდა ვანგარიშობდეთ, რომ განთავისუფლებულ საქართველოში ჩვენ ასეთ და მხოლოდ ასეთს სახელმწიფოებრივობას ვამყარებთ.

პარტიის ორგანიზაციის დადგენილება

საქართველოს ეროვნულ-დემოკრატიული პარტიის პარტიის ორგანიზაციამ მოისმინა საზღვარ-გარეთის ცენტრალური ბიუროს გენერალური მდივნის ბ. ალ. ასათიანის მოხსენება ტაქტიკურ და ორგანიზაციულ საკითხების შესახებ, 27 სექტემბერს ის საზოგადო კრებაზედ.

კრება ერთსულოვნად ადასტურებს ცენტრალური ბიუროს შეხედულებებსა და განზრახვებს, რაც უდავო დასკვნაა საქართველოს განმათავისუფლებელი ბრძოლის ეხლანდელი ვითარებისა. ჩვენი პარტია ერთსულოვნად დაადგა დამოუკიდებელი პოლიტიკის გზას, საქართველოსა და უცხოეთში და პარტიის ორგანიზაციას მტკიცედ სწამს, რომ ჩვენი პარტიის ამ ხაზით მუშაობას ისევე ნაყოფიერი შედეგები ექნება საერთო ეროვნული საქმისათვის, როგორც მას აქვს პარტიულ ძალთა დარაზმულობისათვის.

ეროვნულ-დემოკრატიული პარტიის პოლიტიკა სავსებით გაამართლა ცხოვრების მიმდინარეობამ, როგორც წარსულში. ისე თანამედროვე ბრძოლის ხანაში, ამით აჩვენება რომ ჩვენს პარტიაში არ არსებობს რაიმე იდეური უთანხმოება და აზრთა სხვა და სხვაობა, ხოლო თუ საზღვარ-გარეთის ორგანიზაციებში ჰქონდა ადგილი ამ უკანასკნელ წლის განმავლობაში ზოგიერთ უთანხმოებას ტაქტიკურსა და ორგანიზაციულს საკითხებში, ამ ქამად ესეც დაძლეულია და მისმა ლიკვიდაციამაც ნიაღვრისათვის ორგანიზაციულს დასასრულს.

ჩვენი პარტიული წრეები ერთსულოვნად თანაუგრძობენ ყველა სახელმწიფოებრივად მთავროვნე ძალების შემოკრებას ჩვენი მიმართულების გარშემო და მის დაკავშირებას კავკასიის სხვა რესპუბლიკათა ეროვნულ ძალებთან. ასეთი კავშირი მოგვიახლოვებს საქართველოსა და მთელი კავკასიის განთავისუფლებას უცხო უღლისაგან და ამასთან ერთად ჩაუყრის მტკიცე საფუძველს კავკასიის რესპუბლიკათა პოლიტიკურად შეკავშირების საქმეს კონფედერაციის საფუძველებზედ.

საქართველოს განმათავისუფლებელ ბრძოლის პირობებში შეღანილი იქმნა ზოგიერთი ცვლილებები ჩვენს წინანდელს ორგანიზაციულს წყობაში და ამ ცვლილებების სისწორე და მიზანშეწონილობა სავსებით გაამართლა ცხოვრებამ. ის შეიცავს პარტიული მართველობის მტკიცე ცენტრალიზაციას და მის დამყარებას მტკიცე დისციპლინაზე. ამავე დროს ეს წყობა ფართედ უხსნის გზას წევრთა თვითმოქმედებასა და ინიციატივას, რაც აუცილებელი პირობაა მასების პოლიტიკურად აღზრდისათვის.

ცენტრალური ბიუროს ნაყოფიერი მუშაობა ამ გზითა და ამ მიმართულებით ერთსულოვნად თანაგრძობას იწვევს ყველა ჩვენს ორგანიზაციებში და პარტიის ორგანიზაციას აღუთქვამს მას ყოველგვარ დახმარებასა და მხარის მიცემას.

საბოლოო განმარტება

ჩვენი პარტიის მტრებმა დაუსრულებელი ჭორებისა და ბორბოტი ინსინუაციების წყაროდ გაიხადეს ყალბი ჩერვონსების საქმე, რომელიც გერმანიაში იქმნა აღმოჩენილი და ამ ეჟამად სასამართლოს განხილვის საგანს შეადგენს. ასეთი მუშაობა ააგეს მათ იმ გარემოებაზე, რომ ყალბი ჩერვონსების ამ საქმის გამო სამართალში იყო მიცემული შ. ქარუმისი, თუმცა ამ ბინძური კომპანიის მეთაურებმა კარგათ უწყიდენ არა მარტო ის, რომ შ. ქარუმისი აქტიური წევრი იყო წარსულში ეროვნულ-დემოკრ. პარტიისა, არამედ ისიც, რომ 1924 წ. გაზაფხულიდან ის ამ პარტიის არც ერთს ორგანიზაციაში არ ირიცხება.

საზოგადოებრივ საქმიანობის ყველა წესების მიხედვით პარტია ვერ დაიკისრებს პასუხისმგებლობას თავის წევრის ასეთი მოქმედებისათვის, რომელიც ხდება ორგანიზაციის დავალებისა და სურვილის გარეშე. მაგრამ ხშირია შემთხვევები, რომ პარტიის წევრის მიერ კერძოდ განზრახული და ნაწარმოები საქმე დიდს ზიანს აყენებს ორგანიზაციას იმის გამო, რომ ხანგრძლივად ახვევს მას იჭვებისა და მითქმა-მოთქმის ქსელში. ამის გამო ჩვენ გვმართებს აღვნიშნოთ სრულის კმაყოფილებით, რომ ჩვენი ორგანიზაციის არც ერთი წევრი არ არის ბრალდებული ამ საქმეში, როგორც ეს საბოლოოდ გამოარკვია გერმანულ სასამართლოს გამოძიებამ.

ჩვენი პარტიის ყველა ორგანიზაციებმა ჯერ კიდევ გასულს წელს ვამოიტანეს თავისი დადგენილებანი ყალბი ჩერვონსების საქმის შესახებ. ამ დადგენილებებში ერთის მხრივ კატეგორიულად იყო დაგმობილი და უარყოფილი ეს კონკრეტული შემთხვევა და მეორეს მხრივ გამოცხადებული იყო ჩვენი პარტიისა და მიმართულების შენედილება საზოგადოთ მსგავსი საქმეების მიმართ. ჩვენ საჭიროდ მიგვაჩნია განვაცხადოთ ერთხელ კიდევ საბოლოოდ და კატეგორიულად ჩვენი პარტიისა და მიმართულების ურყევი შენედილება ასეთი საქმეების შესახებ. ასეთი გაფრთხილება არასოდეს იქნება ზედმეტი, რადგან ყალბი ფულების საქმეს ერთნაირად არ უდგებიან სხვა და სხვა პოლიტიკური მიმდინარეობები და ისეთი მაგალითების არის, რომ მისთვის მიუმართავთ პოლიტიკურს ბრძოლაში და ომების დროსაც. ეს გარემოება დიდათ ამცირებს ასეთი საქმეების უარყოფით მხარეებს პოლიტიკურად გაუწვრთნელი წრეების თვალში და ზოგიერთები მას პოლიტიკური ბრძოლის ჩვეულებრივ იარაღადაც სახავენ.

სწობილია, რომ რევოლუციონურ ანტისახელმწიფოებრივ პარტიებს არა ერთხელ გამოუყენებიათ ყალბი ფულები პოლიტიკურს ბრძოლაში ისევე როგორც მრავალი სხვა ისეთი საშუალება, რომელიც ასუსტებ-

და და აზიანებდა სახელმწიფოებრივი ცხოვრების უმთავრეს საფუძვლებს, ზნეობრივს, უფლებრივსა და ეკონომიურს. ამ წრეებისათვის არ არსებობს სახელმწიფოებრივი საფუძვლების დაზიანების საშიშროება, ვინაიდან ამ საფუძვლების დაქცევა თავის თავადაც შედის მათს განზრახვებში. სახელმწიფოებრივი მიმართულების მიდგომა ამ საკითხისადმი სავსებით საწინააღმდეგოა. ის მუდამ უარყოფს ბრძოლის ისეთ საშუალებებს, რომელიც სახელმწიფოებრივი ცხოვრების საფუძვლებს არღვევს და ასუსტებს. მაგრამ არც ამ ანტისახელმწიფოებრივ ჯგუფებისათვის მოუტანია დიდი ბედნიერება ყალბი ფულების ოპერაციას. მისი გამოყენების მაგალითებმა გამოარკვეეს მისი ბუნება—ის საშიში იარაღია იმათთვის, ვის წინააღმდეგ ის არის მიმართული, მაგრამ კიდევ უფრო საშიში იარაღია იმათთვის ვინც მას მიჰმართავს და იყენებს. ის თავიდანვე ზნეობრივად ღრწნის იმ ჯგუფს, რომელიც მას აწარმოებს და ამის გამო მისი ფართოდ გამოყენებაც შეუძლებელი ხდება. მაგრამ ომების დროს თუ ჰქონია ასეთს საქმეებს შედარებით უფრო დიდი სარბიელი, ეს აიხსნება იმით, რომ მეომარ სახელმწიფოებს სულ სხვა პირობები და შესაძლებლობები აქვს, ვიდრე კერძო ჯგუფებს. სახელმწიფო აყალბებს თავის მოწინააღმდეგის ფულს და ამ მოწინააღმდეგის ყოველმხრივი წაქცევა მის ამოცანას შეადგენს. სულ სხვა მდგომარეობაშია ის ჯგუფი, რომელიც აყალბებს თავისივე ხალხის ფულს და თავისივე ხალხში ავრსებებს შას. მე არეს მხრივ სახელმწიფო, რომელიც თვითონ არის ყოველივე საქმის დამკანონებელი და გამმართლებელი მრავალს ისეთს საშუალებას მიჰმართავს ომის დროს, რომ პარტიებსა და ჯგუფებს არ შეუძლიანთ მათი გამოყენება.

მაგრამ პოლიტიკურმა წრემ კიდევაც რომ დაივიწყოს ყოველი ის ზიანი, რომელსაც მიაყენებს მას მომავალში ასეთი საშუალების გამოყენება და იხელმძღვანელოს მხოლოდ ვაწროდ შემოფარგლულ მახლობელ ამოცანებით, ყალბი ფულების გავრცელება, მაშინაც არ იქნება მისთვის ადვილად გადასაჭრელი, რადგან ფრიად ძნელა გამოსარკვევია თუ ვის მეტად დააზიანებს ის ამ ვიწრო მანძილზედ—მებრძოლ ერს და პარტიას, თუ მათს მტრებს.

ამ საკითხებთან დაკავშირებით მრავალი ყალბი ცნობები იყო მოთავსებული უცხოეთის გაზეთებში საქართველოს პოლიტიკური ცხოვრებისა და კერძოდ ჩვენი პარტიის შესახებ. სხვათა შორის გერმანიის სოციალ-დემოკრატიის ორგანომ «ფორვერტსმა» ჩვენი პარტია უკიდურესად მემარჯვენე მიმართულებათ გამოაცხადა და არც ის გარემოება დაივიწყა, რომ ეს ჩვენი პარტია ყოველგვარ ნიადაგს მოკლებული ყოფილა საქართველოს ცხოვრებაში. ყოველივე ამას გაზეთმა დასაძინა ინფორმაცია გრ. ვეშაპელის მკვლევლობის შესახებ და ქვეყნის ამცნო, რომ „1926 წელს პარიზში ქართველმა ნაციონალისტმა მოკლა გრიგოლ ვეშაპელი“ («ფორვ.» 23-7-29).

არავისათვის არ შეადგენს საიდუმლოებას, რომ ვეშაპელის მკვლელობა, მერაბიშვილმა ახდლად განაცხადა სასამართლოს წინაშე, რომ ის არის

სოციალ-დემოკრატი. «ფორვერტსმა» უთუოდ არ უწყიდა ეს თორემ სოციალისტური გაზეთი სოციალ-დემოკრატს ნაციონალისტს არ უწოდებდა. ვინაიდან არც ერთ სხვა ქართულ პარტიის სახელწოდებაში არ მოიპოვება სიტყვა ნაციონალური, გასაგები, რომ «ფორვერტსის» ასეთი გამარტება ჩვენს პარტიას მიაკუთვნებს ფართე საზოგადოების თვალში ვეშაპელის მკვლელობას. ამის გამო ჩვენ საჭიროდ მიგვაჩნია მოკლედ განუმარტოთ ამ ქამად პატივცემულს გაზეთს, რომ ეროვნულ-დემოკრატიას ტერორის გზით არ უწარმოებია თავისი მუშაობა წარსულში და არც მომავალში პტიქრობს ამ გზით სიარულს. ხოლო რაც შეეხება ჩვენს პარტიის უსიადაგობას, ამის შესახებაც ასევე მოკლედ მოვახსენებთ მას, რომ ამ „უნიადაგო“ მიმართულებისა და პარტიის დამყარებულია უკანასკნელი 60 წლის მანქილზედ ყოველივე რაც კი დადებითი დაფუძნებულია საქართველოს ეროვნულს სხოვრებაში კულტურული და ეკონომიური. ეს ადვილი დასაჯერებელი არ იქნება მტკიცე სახელმწიფოებრივ სხოვრების ფარგლებში მოღვაწე ევროპულ პარტიების მუშაობის მიხედვით, ხოლო თუ პატივცემული სოციალ-დემოკრატიული გაზეთი დაინტერესდება ამ საკითხით, ჩვენი ორგანო სიამოვნებით მიაწოდებს მას ყოველგვარ მასალას ამ საგანზედ, და არა ვინმეს ზურგს უკან და საიღუმლოთ, როგორც ამას შვრებიან „ფორვერტსის“ ინფორმატორები, არამედ სასებით ახდილად და საჯაროთ.

საბ. საქართველოში

1. ქომაუნისტური პრესისა.

ქართული ემიგრაციის გამოცემები უყურადღებოდ სტოვებენ საბჭოთა პრესისა და ეს დიდი შეცდომაა. ეს პრესისა უთუოდ მნიშვნელოვანი საშუალებაა საქართველოს თანამედროვე ყოფა-სხოვრების შესაგნებად და მისი სრულიად გვერდის ახვევა არ არის მიზანშეწონილი. მართალია ეს პრესისა მეტად ცალმხრივია და თავის წითურ საღებავეთ ხატავს სხოვრების ყველა მოვლენებს, მაგრამ დაკვირვებული მკითხველი ადვილად ამჩნევს ამ საღებავეთ ქვეშ სხოვრების ნამდვილს სურათებს. კომუნისტურ მწერლობას ლექსიკონიც საკუთარი აქს შედგენილი. ამის გამო მათი მსჯე ლობა ქარაგმებს მოგაგონებს. სხოვრების მრავალ საგნებისა და მოვლენების ძველი სახელები გაუქმებულია და მათ მაგიერ ახალი სახელები აქვთ მითვისებული. მაგალითად გლენის მაგიერ ისინი „კულაკს“ იხსენიებენ, მუშის მაგიერად პროლეტარს, საბჭოთა წყობილების მოხე-

ლევებს კომუნისტებს უწოდებენ, ხოლო ვინც მოხელე არ არის, მათ სპე-კულიანტებს, ბურჟუაზიას და კონტრრევოლუციონერებს. მაგრამ ეს მათი ახალი ლექსიკონი საკმაოდ ცნობილია საზოგადოებისათვის და ამის გამო არ არის ძნელი გამოასანობი თუ რა საგანზე და რა ამბებზედ აქვთ მსჯელობა კომუნისტურ მწერლებს.

კომუნისტური პრესა ხშირად ამქლავნებს საკმაო ნათლად საქართველოს ეხლანდელი ბატონების სულისკვეთებას და ზრახვებს. ამის ცოდნა არ არის უსარგებლო ჩვენთვის, ხოლო მასში ხშირად ამოხეტილი და გამქლავნებული სხოვრების სინამდვილის გაცნობა ჩვენთვის ძალზე სასარგებლოა. ყოველივე ამის გამო ჩვენ ყურადღებას ვათხოვებთ ამ პრესას. ამ უამად ჩვენ „კომუნისტის“ მხოლოდ რამოდენიმე ცალს გადავაგვლებთ თვალს და მკითხველი დაინახავს, რომ ეს უსარგებლო არ არის.

2. კ უ ლ ა კ ი

კომუნისტსა და კულაკს შორის დამოკიდებულება გართულდა კარგა ხანია და რაც დრო გადის ის უფრო და უფრო მწვავედება. ეს კულაკის ამბავი მუდმივი თავის სატეხი გახდა კომუნისტებისათვის. მათ ყირაზედ გადაატრიალეს უზარმაზარი რუსეთის სხოვრება, ყოველივე დააქციეს, რომ შემდეგ თავის ჭკუაზედ აეშენებინათ. მართალია ეს აშენება მათ ვერ შესძლეს, მაგრამ დაქცევით ხომ მაინც დააქციეს, ხოლო ამ კულაკს ვერაფერი მოუხერხეს, ვერ მოსპეს და ვერც თავის მშვენიერ გეგმას დაუმორჩილეს. მათ თავისი სახელმწიფო დაანგრიეს, მთელი კავკასია და საქართველოც ზედ მიაყოლეს, დენიკინი მოსპეს, კოლჩაკი გაანადგურეს, ვრანგელი განდევნეს, ანტანტებს ებრძოლეს, ხოლო ამ კულაკს ვერაფერი მოუხერხეს. რა მდევ-გმირია ეს კულაკი, ვინ არის ის?

ჩვენ ვფიქრობდით, რომ ეს კულაკი მართლაც და სხრათავიანი გველემპაია, მაგრამ კომუნისტური პრესიდან ვგებულობთ, რომ ეს ასე არ ყოფილა. ირკვევა, რომ ეს კულაკი ფარაუაში გახვეული მშრომელი გლეხია, რომელიც გამუდმებით შრომობს და იმდენი საზრდო მოჰყავს რომ ოჯახსაც არჩენს, სახელმწიფოსაც უხდის აუარება ბეგარას და ქირის დღისთვისაც გადანახული აქვს ლუკმა პური. მერე რად ჩამოვარდა ასეთი შუღლი და მტრობა კომუნისტებსა და კულაკებს შორის? სხვა კვეყნებში ამ კულაკებს არამც თუ არ ებრძვიან, არამედ ყოველმხრივ ხელსაც უწყობენ. იგივე კომუნისტური პრესა გვიხსნის ამ ამოცანას. კომუნისტი კომუნისტია, ხოლო კულაკი „ჩასტნიკი“, კერძო საკუთრების მომხრე. კომუნისტური პროგრამა, მისი მარქსიზმი და ლენინიზმი მოითხოვს, რომ ეს კერძო საკუთრება და წარმოება არ იყოს, ხოლო კულაკი მაინც თავის ჭკუაზედ მიდის. აქ იბადება მათ შორის შეუთრეგებელი წინააღმდეგობა. ამ დავით იყო აღვსილი რუსეთის კომუნისტური გამოცემები უკანასკნელ წელთა გასწვრივ. შემდეგ ქართულს კომუნისტურ პრესაშიც შეიჭრა ის

და ამ უამად ყველა მისი გამოცემები გამუდმებით სწერენ ამ კულაკის საფრთხეზე.

როგორ მოხდა ეს მაინც, რომ ყოვლად მძლეთა მძლე კომუნისტებმა ამ კულაკს ვერაფერი მოუხერხეს და ვერ დაიმორჩილეს? პირველს ხანებში ის კიდევ დააჩოქეს, ქედი მოახრევიანეს, გააკომუნისტეს, კერძო წარმოებაზედ უარი ათქმევინეს და „კოლხოზებში“ შედენეს მაგრამ კულაკებმა ოინი გააკეთეს. პურის მოყვანა შეამპირეს და ეს კომუნისტებმა მალე იგრძნეს თავის კუჭზედ. ამათაც ხერხი იხმარეს თავის მხრივ—კულაკებს „სრედნიაკი“ დაარქვეს და საქვეყნოდ გამოაცხადეს: ჩვენ კულაკები მოვსპვით, ხოლო „სრედნიაკებს“ არას უშავებთ და მთელი ჩვენი ლენინისტური პოლიტიკა მათ უნდა დაეყრდნოს.

ყოველივე კარგად მიდიოდა, რომ თვით მათ ამხანაგს ტროცკის არ ჩაეშალა ეს საქმე. ამ ტროცკიმ საქვეყნოდ გასთქვა საიდუმლოება: ეს თქვენ ვის ატყვილებთ, მარქსსა და ლენინს რას ეტყვიით საიქიოს, როდესაც მათი სახელით კულაკებს სრედნიაკები დაარქვიით და იმათ დაუკავშირდითო. სად არის თქვენი—ბროლეტარული დიქტატურა და ილიჩის დანაბარებით? გაჯავრებულმა კომუნისტებმა ტროცკი სიმბიორში გადაკარგეს, შემდეგ უსზოეთში განდევნეს და მისი მომხრეებიც ღირსეულად დასაჯეს, ხოლო საქმე ამითაც ვერ გამოასწორეს. კულაკების გასრედნიაკება საქვეყნოდ გამქლავდა და მით მსოფლიო კომუნისზმას მომხიბლავი სახე შეიბღალა. კომუნისტები ისევ კულაკებს მოუბრუნდენ და მათზედ იყრიან ჯავრს. მაგრამ ამითაც არა გამოვიდა რა. ისევ ძველი ამბავი მეორდება: კულაკები პურს არ იძლევიან, ხოლო კომუნისტური კუჭი პურს მოითხოვს. ირკვევა, რომ კომუნისტური კუჭიც პურით იკვებება თა არა კომუნისტური პროკლამაციებით, როგორც ამას ბევრი ჰფიქრობდა წინეთ. ეს გარემოება მეტად საშიშ მდგომარეობაში აყენებს კომუნისტურ პარტიას. კომუნისტურ ენასა და იდეოლოგიას კომუნისტური კუჭი უდგება ოპოზიციასში და ეს ოპოზიცია დიდათ განსხვავდება ტროცკისტულ ოპოზიციიდან: არც სინეში ჩამწყვდევია შეიძლეს მისი. არც გადასახლება. ერთად ერთი კამოსავალია კომპრომისი და შერიგება. ეს არც არის ძნელი და ჩვენის შეხედულობით ეს ასე უნდა მოხდეს: სიტყვა კულაკი უნდა მოისპოს და ყველა კულაკები იძულებით უნდა იქნენ ჩარიცხული კომუნისტურ პარტიაში. ხოლო როცა ეს მოხდება და კულაკები გაკომუნისტდებიან, მაშინ არ იქნება ანტიკომუნისტური აქტი, როგორც არ არის ანტიკომუნისტური როდესაც ეს კომუნისტები ქონებას იქნენ და საკუთრებას აგროვებენ. ესლა ეს კომუნისტები იქნენ ქონებას კომუნისზმის გამარჯვების მიზნით. ამავე ანგარიშში ჩაიწერება გაკომუნისტებულ კულაკების მიერ ქონების შექენა. ამ გზით კომუნისტური კუჭიც იქნება დაკმაყოფილებული და ლენინისტური იდეოლოგიაც, ანუ უკეთ რომ ვსთქვათ, კომუნისტური ნამუსიც დასული იქნება და ბურჟუაზიული კაპიტალიც შექენილი.

3. პურის ბართები

სანამ კომუნისტები არ მოახდენენ ასეთ რევოლუციას, მსოფლიო რევოლუციის ანგარიშში, მანამდე ეს პურის საკითხი მეტად მწვავედ დგას და ასევე დარჩება.

ამ უკანასკნელ წლებში ეს პურის დამზადება ილევს მთელს მათს ენერჯიასა და კომუნისტურ შემოქმედებას. პურის დამზადებაზედ სწერენ აუარებელ წერილებსა და სსემენ უთვალავ დეკრეტებს. „პურის თესვის კომპანიას“ აწარმოებენ მუდამ: ზამთარში, გაზაფხულზედ, ზაფხულსა და შემოდგომაზედ. ისინი ერთსა და იმავე დროს, ერთსა და იმავე სოფლებში პურსაც აგროვებენ იძულებით, სათესლე ხორბალსაც არიგებენ და კიდევ ურიგებენ ამ ხორბალს სიმშობის გამო. მაგრამ საქმე ამით არ თავდება და ეს პური გემებით გააქვთ უსხოეთში გასასყიდათ და იმავე დროს უსხოეთიდანაც მოაქვთ გემებით იქ ნაყიდი ხორბალი: ამ პურით დამუშეული რაიონები უნდა გამოვკვებოთ. ეს ბევრს ეუბნოვება, მაგრამ გასაკვირველი აქ არაფერია. საბჭოთა კონსტიტუციაში საპატო ადგილი უკავია „პურის კომპანიას“ და ამ საქმისათვის მრავალი ათასი მოხელეა დაქირავებული, და გასაგებია რომ საქირო ხდება ამ ხორბლის იქით-აქეთ ზიდვა და მისი დაუსრულებელი შეკრება-დარიგება, ყოდვა-გაყიდვა, გაზიდვა-შემოზიდვა.

პურ-კომპანიის უმთავრეს საგანს მაინც ეს თესვისა და პურის მოწვევის საქმე არ წარმოადგენს. არც ხერხდება ჯერ-ჯერობით ამ საქმეების წესიერად მოგვარება, რადგან იქ ხშირად იჭრება არა კომუნისტური ნაკადი კულაკებისა და სხვა ასეთი მოვლენების სახით. პურ-კომპანიის გვირგვინსა და მის მშვენიებას წარმოადგენს პურის განაწილება და დარიგება. აქ ას პროცენტური კომუნიზმია მიღწეული და ადგილი არ აქვს სხვა და სხვა ბურჟუაზიულ უკლანებს. ამიტომ ინსტრუქციები ამის შესახებ დიდი ასობებით იბეჭდება გაზეთებში და ხშირ-ხშირადაც იბეჭდება, რომ კომუნიზმისათვის მებრძოლ რაზმებს სიმხნევე შემატოს და გაუღვივოს რწმენა და იმედი, რომ კომუნისტური ბედნიერების დამყარება მთელს მსოფლიოში ზღაპრულის სისწრაფით მიმდინარეობს. პურის განაწილების წიგნაკებიც ხშირ-ხშირად იცვლება, რათა ყველამ დაინახოს რომ კომუნიზმი იპყრობს სულ ახალ და ახალ პოზიციებს.

საბჭოთა რუსეთის გაზეთებიდან ჩვენ ვიცოდით, რომ იქ ეს საქმე მტკიცედ არის დაფუძნებული. ბევრი ჰფიქრობდა, რომ საქართველო ჩამორჩენილი იყო ამ მხრივ და იქ პურს ხალხი უბარათებოდ შოულობდა, რამდენიც მას მოესურვებოდა, როგორც ეს იყო ძველად, ჩვენი ჩამორჩენილობის ხანაში და ესლაც არის „განაწილი“ ბურჟუაზიული ქვეყნებში, ესლა ჩვენ ვხედავთ, რომ ასეთი იჭვები უადგილო ყოფილა და საქართველოსაც მიუღწევია კომუნისტური ბედნიერების ამ საფეხურამდე. ჩვენ ვგებულობთ, რომ საქართველოში ეს ბედნიერება გასული წლის ოქტომ-

ბრიდან დამყარებულა, ხოლო ეხლა მუშაობაა იმის შესახებ, რომ ამ წლის ენკენისთვიდან ძველი წიგნაკები ახალზედ იქმნეს შეცვლილი ინსტრუქცია გვიხსნის რომ ეს წიგნაკები სამ ლიტერად იქნებიან «აყოფილი: „წიგნაკები ლიტერით „ა“ მიეცემა ფაბრიკა-ქარხნების, რკინის-გზების, წყლის, ტრანსპორტის და სხ. ფიზიკური დარგის მუშებს. ლიტერით „ბ“ მიეცემა ამ პირთა ოჯახების წევრებს, ყველა მოსამსახურეს, სადაც არ უნდა მსახურობდენ, ...და დანარჩენ მშრომელ მოსახლეობას. ლიტერით „გ“ მიეცემათ ამ მუხლებში ჩამოთვლილ ბავშვებს 8 წლის ჰასაკამდე“. ამის მეტი ლიტერები აღარ არის და, რასაკვირველია, წიგნაკები არ მიეცემათ და მაშასადამე პურიც, ვინც კომუნისტების დასკვნით არ შეადგენს მუშებს, მოსამსახურეებს და „მშრომელ მოსახლეობას“. ამ რიგად, ვინც კომუნისტებს მიჩნეული ყავთ თავის „კლასიურ მტრებად“, არა მშრომელ წრეებათ, პური არ მიეცემათ. მკითხველი იტყვის—პური არ მიეცემათ კომუნისტურ კოლპერატივებიდან, მაგრამ ც. ვითონ ხომ შეუძლიანთ შეიძინონო. რასაკვირველია, ზოგი ამას მოახერხებს, მაგრამ თუ „ჩავარდა“ მკაცრი სასჯელი მოელის. გაზეთები აღვსილია ასეთი პირების სიებით. კერძო გზით ლუკმა პურის შოვნა „ჩასტნიკობაა“, სპეკულიაცია და კონტრ-რევოლიუცია და აბა კომუნისტური მთავრობა მას როგორ დაზოგავს? ასეთია სოციალისტური სამოთხის წესები, ძმობა, ერთობა და სიყვარული...

ქართულს ემიგრაციაში

ქ ა რ თ უ ლ ი ლ ე ქ ც ი ე ბ ი

უკანასკნელი სამი თვის განმავლობაში ეროვნულ-დემოკრ. პარტიის პარტიის ორგანიზაცია აწყოებს ლექციებსა და მოხსენებებს ყოველკვირეულად, პარასკევობით. პოლიტიკური ხასიათის მოხსენებები კეთდება პარტიის წევრთა კრებაზედ, ხოლო საზოგადო ხასიათის ლექციებზედ დასწრების უფლება არ არის შეზღუდული. საზოგადოება დიდს ყურადღებას იჩენს ამ საქმისადმი და ლექციებზედ დამსწრეთა რიცხვი საგრძნობლად იმატებდა. ამ ხნის განმავლობაში ბ-ნმა შალვა ამირეჯიბმა წაიკითხა ხუთი ლექცია ქართულს ლიტერატურაზედ, რაც წარმოადგენს მე-18 და მე-19 საუკუნის ქართული ლიტერატურის ფრიად საფუძვლიანად დამუშავებულ სისტემატიური კურსის პირველ ნახევარს. შ. ბერიძემ წაიკითხა თავისი საყურადღებო გამოკვლევა: ფრანგი მოგზაურები საქართველოში და შემდეგ ორი მოხსენება: გუსტავ ლებონის ცხოვრება და აზროვნება.

საქართველო
1919

ჩვენი ორგანიზაციის მიერ დაწყებულმა საქმემ ზედმეტად გამოაშკარავა ქართული ემიგრაციის საშინელი მდგომარეობა სწავლა-განათლების მხრივ და მისი წყურვილი მისდამი. ქართულს ემიგრაციას უნდა ჰქონდეს ქართული სკოლა, სამკითხველო და სახალხო უნივერსიტეტიც. ყოველივე ამის დაფუძნება მას შეეძლო, რომ მეტი თვითმოქმედება გამოეჩინა და სხვების იმედი არ ჰქონოდა. ცხრა წელიწადი გადის ასეთს მოლოდინებში და დროა ამიერიდან მაინც შეუდგეთ ამის შესახებ ზრუნვას საერთო ძალითა და საშუალებით. ემიგრაციის ბავშვები დედაენას ვერ სწავლობენ. ჩვენი სტუდენტობა უმაღლეს განათლებას ვერ ღებულობს. ეს მაინც უნდა მიხერხდეს, რომ ახალგაზდობამ მსირე რამ სოდნა მაინც მიიღოს, რომ სავსებით ხელსარიელი არ დაბრუნდეს საქართველოში. როგორც გვესმის სახალხო უნივერსიტეტის დაფუძნების შესახებ მუშაობა უკვე დაწყებულია და სასურველია, რომ ის ხორცშესხმულ იქმნას რაც შეიძლება მალე.

ბ-ნ ზ. ავალიშვილის წიგნი

გამომცემლობა „საქართველო“-ს სტამბაში აიწყო და ამ უახლოეს ხანში გამოიცემა ბ-ნ ზ. ავალიშვილის წიგნი — „ჯვაროსანთა დროი და ნი“ — ოთხი საისტრიო ნარკვევი.

« მ ხ ე დ ა რ ი »

გამომცემლობა „საქართველო“-ს სტამბაში იწყო და ამ თვის მეორე ნახევარში გამოვა ქართველ იუნკერთა კავშირის ორგანო „მხედარი“-ს 2 N.

ქურონალ „სამშობლო“-სა და გამომცემლობა „საქართველო“-ს სხვა გამომცემების შექენა შეიძლება საზოგადოების რწმუნებულებსაგან და აგრედვე პარიზში — 9, rue Dupuytren (მეტრო Odeon) წიგნის მაღაზრაში და 69, rue Fondary, რესტორან „თბილისში“ ოდენაკურში — 28, Grande rue, Librairie Moderne (აბანოს გვერდით). ვალანტინი იეში — „Petit Parisien“-ს ქურონალთა სავაქროში, rue du Pont.

სარედაქციო კოლეგია.

Audincourt, - Imp. Zindy-Peter

